



Qeqqata Kommunia

Sulisoqarnermut politikki

Imarisai

Tikilluaritsi.....	4
Qeqqata Kommuniata oqaluttuarisaanera	6
UNESCO-p nunarsuarmioqatigiinnut kingornussaqaarfianut Qeqqata Kommunia ilanngunnikuuvoq	6
Tunngaviusumik pingaartitat	7
Pitsaasumik attaveqaqatigiissaagut	7
Akimortumik suleaqatigiissaagut kivitseqatigiillutalu	7
Sullissilluassaagut	7
Ataqqeqatigiissaagut	7
Orniginarsaanermi tunngaviit nalinginnaasut	8
Tikittoqarneq	8
Kommunip aqqissuussaana	9
Suliffissannik ilisarittisineq.....	10
Suliffik.....	12
Piffissaq suliffissaq	12
Nikerartumik suliffissat	13
Qaangiuttoorneq.....	13
Peqquteqarluni sulingitsoorneq.....	14
Qaangiuttoorsimanermut taarsiullugu sulingiffeqarnerit	14
Piffissaq qasuerserfik	14
Unikkallarnerit.....	14
Inoqatinut attaveqaatinut atatillugu	15
Nipangiussisussaafitaaneq	16
Tatiginassuseq	16
Illit pillutit.....	17
Piffissami siullermi ikorfartortissat.....	17
Pujortartarneq.....	17
Tipigissaatit eqqiluisaarnerlu	17
Kinguneqartitsinerit.....	18
Atornerluinerit pillugit politikki.....	18
Ulluinnarni malittarisassat.....	19
Unioqutitsinermi imaluunniit atornerluinerimik pasitsaassinerim kina akuliutissava?	19
Qanoq akuliuttoqassava?	19
Ilaqutariinnik aamma/imaluunniit imigassamik katsorsaaneq.....	21
Pinartoqartillugu ikiuigasuarneq	22
Oqaluusseriaaseq	22
Oqaatsinut politikki.....	22
Inuummarissaasut	23
Atorfinitsinerim pissutsit.....	25
Atorfinitsinerim politikki	25
Atorfinitsinissami ataatsimiititaliaq.....	25
Ineqarneq	26
Utaqqiisaasumik inissiaq	26
Utaqqiisaasumik ineqartitaanermi ajunngitsorsiasat.	26
Atorfinitsineq.....	27
Isumaatigiissutit naapertorlugit akunnermusialittut/qaammammusialittut sulisut.....	27
Ilinniartut	28
Qinnutigalugu soraarnuteqarneq	29
Soraarnissamut atatillugu oqaloqatiginninneq	30
Ukiut	30
Utoqqaliarsaartunut malittarisassat.....	30
Soraarnerussutisat	31
Sulisorinniinnarnissaq	32

Akissaatinut tunngatillugu	32
Akissarsiat pigjinnarlugit sulinggiffeaqarneq	33
Nalliuttsiornerit	33
Sulisut peqatigiinnerat	34
Sulisunut ilassinninnerut il.il. atafillugu kommunip tapiissuteqarnerinut malittarisassat	34
Sulinggiffeaqarneq	34
Akiliunneqarluni sulinggiffeaqarnermi angalaneq	35
Sulinggiffeaqarallarneq (aningaasarsiaqarani sulinggiffeaqarneq)	35
Tunissutissat	36
IT-mik atuineq	36
Inunnut paasissutissat pillugit inatsit	37
Paasissutissiisarnermi isumannaatsuunissamut politikki	37
Suliffimmi oqarasuaat, namminerlu oqarasuaat angallattagaq	37
Sillimmasiinerit	37
Qarasaasiakkut sulineri isarusat	38
Atugaqartitaanerit akeqanngitsut	38
Napparsimaneq / sulinginneq	39
Napparsimaneq	39
Piffissap sivikitsup iluani sulinggitsoortoqarsimatillugu oqaloqatiginninneq	39
Ataavartumik sulinggittoqartillugu oqaloqatiginninneq	39
Piffissami sivisuumi/akulikitsumik napparsimaneq	39
Ullut 120-t pillugit aalajangersagaq	40
Qitornap ulloq siulleq napparsimaneq	40
Ernereerluni sulinggiffeaqarneq	40
Uppakajaarnermi	41
Toqusoqarneq / peruluttoqarneq	41
Qanigisat	41
Sulisunik ineriartortitsineq	43
Anguniagaq iliuusissatullu pilersaarutit	44
Inuttut ineriartorneq	45
SIO/AIO - sulisunik/aqutsisunik inerisaanissamik oqaloqatiginninnerit	45
Sulineri atafillugu angalanerit, matumani pikkorissarnerni angalanerit ilanngullugit	45
Sullivimmi avatangiisit pillugitaaqqissuussaaneq	47
Pingaarnertut ataatsimiititaliaq	47
AMO-ataatsimiititaliaq	47
Sulisut sinnisaat	48
Suliffimmi avatangiisit	48
Suliffimmik nalilersuineq APV (Arbejdspladsvurdering)	48
Peqqinnissamut pinaveersaartitsinissamullu politikki	49
Nakkutillineq	49
Innimilliornermut politikki	50
Nakuuserneq	50
Sulisunik siunnersuinerit	50
Soraarsitsineq, Uparuaaneq, Nuutitsineq	51
Suliffimmiit qimagutsitsineq	51
Aaqqissuussaaneq allangortinneqarnera patsisaalluni soraarsitsineq	51
Soraarniuteqarani soraarsitaaneq	52
Soraarsitsineri tunngavissat	52
Uparuaaneq	52
Ingerlaannartumik qimagutsitsineq	53
Sulisunut pisinnaatitsineri pilersaarut	53
Pujortartarnermut, Innimilliornermut, Uppakajaarnermut amma oqaatsinut politikkil ilanngussat	51

Tikilluaritsi

Sulisoqarnermut politikki una Qeqqata Kommuniani sulisunut tamanut atuuppoq.

Sulisut tamarmik assigiimmik periarfissaqarlutik, suliffeqarfiup politikianik kiisalu suleriaatsimut ilisimasaqalernissaat sulisoqarnermi quppersakkap siunertaraa.

Qeqqata Kommuniata politikianik ilisimasaqalissaatit, soorluttaaq sulilerlaatut apeqqutissarpassuarisinnaasannut imaluunniit atorfinnut atatillugu ilinni apeqqutaasinnaasunut akissutissarsisinnaasutit.

Sulisutut Qeqqata Kommuniani pingaarnerpaatut isumalluutitut kommunimi isigineqarputit, kommunilu Kalaallit Nunaanni suliffitsialaat ilaattut inissisimanissaanut sulisoqarnermi politikki tapertaassaaq.

Qeqqata Kommuniata nunarsuatsinni ersarissarluarneqarnissaa pingaaruteqarpoq, tamannalu tungavigalugu ilaatigut atorfiit nunaqavissunit inuttalernerqarsinnaanngitsut piukkunnaatilinnit soqutigineqalernissaat siunertaralugu, Kalaallit Nunaata Qeqqa nittarsaanniarpaa.

Kommunimi immikkoortortani ataasiakkaani sulisut pisariaqartinneqartut paasineqartarpoq.

Immikkoortortani ataasiakkaani qaammammusialittut atorfiit amerlassusilerneqarlutik, atorfiit akuerisaasut pillugit pilersaarut missingersuusiornermut atatillugu akuersissutigineqartarpoq.

Atuarluarina, apeqqutissaqaruit Sulisoqarnermut immikkoortortaqaqfimmumut saaffiginninnissannut tikilluaqqusaajuaannarputit.

Inussiarnersumik inuulluaqqusilluta

Malik Berthelsen

Borgmesteri

Hans Christian Sværd

Kommunimi pisortaaneq



Qeqqata Kommuniata oqaluttuarisaanera

2009-mi januaarip aallaqqaataani Sisimiut Kommuniata kiisalu Maniitsoq Kommuniata kattunneqarnerisigut Qeqqata Kommunia pilersinneqarpoq.

Kommunimi illoqarfiit nunaqarfillu tullinnguuttut piupput: Sisimiut, Maniitsoq, Kangerlussuaq, Sarfanguit, Itilleq, Kangaamiut, Napasoq aammalu Atammik.

Qeqqata Kommunia tamakkerlugu nunaminertartaa 115.500 km²-isut annertussuseqarpoq. 2024-mi januaarip aallaqqaataanni innuttaasut 9.204-nik amerlassuseqarput, taakkunannga amerlarnarpaartaat illoqarfinni marluusuni, Sisimiuni aamma Maniitsumi najugaqarlutik.

Kommunip allaffeqarfiani, entreprenørpladsimi, meeqarivinni, atuarfinni, nunaqarfiit allaffiini, innarlutitinnut najugaqarfinni sannavinnilu, utoqqaat angerlarsimaffiini angerlarsimaffimmilu ikiortinut agguataagaallutik kommunimi tamarmi sulisut 1.000-t missaanniipput

UNESCO-p nunarsuarmioqatigiinnut kingornussaarfianut Qeqqata Kommunia ilanngunnuvoq

Qeqqata Kommunia Namminersorlutillu Oqartussat suliamut ilisimasaqartunik suleqateqarlutik ukiut arlalilit piareersareerlutik, "Aasivissuit – Nipisat, Sermersuup Immallu akornanni Inuit piniarfiisa kulturikkut kingornussassanngortinneqarnissaanik qinnuteqaat naammassivaat, 2018-illu aasaanerani akuersissutigineqarluni.


Nunataq qinnuteqaatigineqartoq, UNESCO-llu Nunarsuarmioqatigiinnut kingornussassanngortitaasa allattorsimaffiannut ilanngunneqartoq, Sermersuarmiit kangerluit tungaannut nunap timaani aavartarfiit annertuut kiisalu qeqertat arlalinnik qanga asimioqarfikoqarfiusimasut aqusaarlugit kulturikkut nuna immikkuullarissuvoq.

Nunaminertaq ukiut 4.500-t ingerlaneranni Kalaallit Nunaata kitaani inuit oqaluttuarisaanerannit kulturikkut eqqaassutissanik imaqarpoq.

Ataatsimoorussamik kingornussassatta nunarsuarmioqatitsinnit ilisimaneqalernissaa, taamaalillutalu pi-giinnarnissaanut isumaginissaatalu siuarsarnissaanut, UNESCO-mut ilaatinneqalernissaa siunertaavoq.

Taamatullu killeqarfiit akimorlugit ilisimatusarnerup annertusarneqarnissaa kiisalu aningaasaqarnikkut suleqatigiinnissaaq siunertarlugu, nunatap nunat assigiinngitsut akornanni ersoqatigiinnerup nukittorsarnissaa.

Annertunerusumik paasisaqarusukkuut <https://inuitheritage.gl/> alakkarsinnaavat.



Tunngaviusumik pingaartitat

Qeqqata Kommuniiani anguniakkanik, sulisunillu ataasiakkaanik innarliinaveersaarnissamik ataqqininneq, Sulisoqarnermi politikkip ilisarnaatigaa.

Sulisut pingaarnepaatut isumalluutitut kommunimi isigineqarput, Qeqqata Kommunalu Kalaallit Nunaanni siuttut ilaattut inissisimanissaanut sulisoqarnermi quppersagaq tapertaasinnaavoq.

Naleqartitat sisamaasut Qeqqata Kommuniarik ilisarnaasiisut tassaapput: Naleqartitat sisamat suliunit toqqarneqarnerpaat aajuku:

Pitsaasumik attaveqqaqatigiissaagut

Attaveqqaqatigiinneq tassaavoq, sulisut sullitallu akornanni ilisimatitseqatigiinneq paaseqatigiinnerlu, taamaattumik attaveqqaqatigiinneq pitsaasoq atorneqassaaq.

Akimortumik suleqatigiissaagut kivitseqatigiillutalu

Akimortumik suleqatigiinnissap siunertaraa, immikkoortumi sumiikkaluarutta, ilinniagaq suugaluarpaluunniit suleqatigiissagatta ilisimasatsinnillu atorluaalluta suliap pitsaasumik naammassinissaa anguniarlugu.

Taamaattumik tamatta akisussaaffigaarput Ataqqaqatigiinnissatta siunertaraa, kinaagaluaruttaluunniit ataqqinaateqaratta immitsinnut kivinnissarput, eqaatsumik suleqatigiinnissarput, ataasiakkaarluta kivitseriesariaqalinnginnissarput pillugu.

Sullissilluassaagut

Sullissilluarnissap siunertaraa, innuttaasut pissusissaatut sullinneqarnissaasa qulakkeernissaat. Tamanna pissaaq naleqquttumik naligiimmillu sullissinikkut, annerusumik minnerusumilluunniit sullinneqarnermik misigitinnginnissaat.

Ataqqaqatigiissaagut

Ataqqaqatigiinnissatta siunertaraa, kinaagaluaruttaluunniit ataqqinaateqaratta.

Orniginarsaanermi tunngaviit nalinginnaasut

Piffissami sivisuumi atorfinnut aalajangersimasunut Qeqqata Kommunia atorfinitsitsisarnissaminik anguniagaqarpoq, soorluttaaq sulisut suliassaminik naammassinnilluartarpata aammalu avatangiisiminut naapertuulluarpata atorfeqartiinnartarnissaannik sulissuteqartoq.

Atorfinni tamani najugaqavissunik atorfinitsitsisoqartarnissaa, Qeqqata Kommuniata anguniagaraa.

Najugaqavissumik piginnaasalimmik pissarsisoqarsinnaanngivitsillugu, avataanit atorfinitsitsisoqartassaaq.

Marluinnik oqaasillit, kalaallisut/qallunaatut aamma pingasuinnik oqaasillit, kalaallisut/qallunaatut/tulluttut ataatsimut naliliinermi pingaaruteqartutut inissisimapput.

Atorfiit allagarsiunneqareernerisa kingorna, qinnuteqartullu akornanni atorfimmut piukkunnarnersiue-reernerup kingorna, atorfiit inuttalernerqartarput.

Atorfinitsitsinerni qinnuteqartuni najugaqavissut piukkunnaateqartut sallinneqartarput.

Matumani suliffimmik misileereernermi ilinniarnermik naammassinnittunut tamanna aamma atuuppoq.

Qeqqata Kommuniani suaassuseq, inuiaassutsikkut tunuliaqutit, innarluutit, ilinniarsimaneq imaluunniit atorfik apeqqutaanani, sulisunut sulinissami assigiimmik periarfissaqartitsisoqassaaq.


Atorfinni tamani arnat angutillu atorfinitsinneqarnissaannik Qeqqata Kommuniani assigiimmik periarfissinneqartarput.

Tikittoqarneq

Sulilersut illoqarfinit allanit Qeqqata Kommuniani illoqarfimmut nuuttut, mittarfimmut imaluunniit umiarsualivimmut aaneqartuaannarput, sapaatip akunnerullu siulliup iluani qaninnertut suleqatigisasannik suleqatigisartagassaannillu ilisaritsineqartarluni.



Kommunip aqqissuussaanera



Naalisaanerit isumaat:

- OØ Aningaasaqarnermut Immikkoortortaq
- OTM Teknikkimut avatangiisinullu immikkoortortaq
- OU Ilinniartitaanermut Immikkoortortaq
- OV Atugarissaarnermut immikkoortortaq

Suliffissannik ilisarititsineq

Sulisunut nutaanut ilisarititsilluarneq suliffimmini nutaami nuannaarnissaannik naammagisimaarinnin-nissaannillu qulakkeerinneqasaatarpoq, tamannalu sulisoqarnikkut nikerarnerup appasinnerpaatinnis-saaniq kinguneqartarluni.

Atorfiup inuttalerneqannginnerani sulilersumut nutaamut Sulisoqarnermut Immikkoortorta q atorfinitsit-sinermut isumaqatigiissummik suliaqarlunilu nassiussissaaq.

Atorfinitsitsinermut isumaqatigiissutip saniatigut Sulisoqarnermut immikkoortorta q tullinguuttutugut paasissutissanik nassiussaqassaaq:

- Isumaqatigiissutinut sanilliullugit atorfeqarnermi atugassarititaasut
- Sulisoqarnermut politikki
- Suliffigissaanermut malittarisassat

Piukkunnaateqartutut isigineqartumit isumaqatigiissut atsiorneqarsimasoq Qeqqata Kommunianit figuneqariarpat, immikkoortortami aqutsisoq sulilerlaamut sianernikkut imaluunniit e-mailikkut paasis-sutissanik nassiussinikkut attaveqassaaq.

Sulilerlaamut kommunimullu ulloq siulleq suliffiusoq pingaruteqarluinnartuuvoq. Siunissami imminnut iluaqutiginissamut isumaqatigiissusiornikuupput, tamannalu maannakkut tunngavilerluarneqartussan-gorpoq.

Taamaattumik illuatungeriinnit naatsorsuutigisat qaffasissuupput. Ullormi siullermi suliffiusussami sulisunit allanit sanilliullugu sulilerlaaq kingusinnerusukkuq suliarussaaq. Suleqatissat isaaneranni aammalu su-liamik aallartitsineranni nalinginnaasumik pissangasarnerup qaangiussimalernissaaniq tamanna qulak-keerisuvoq.

Sulilerlaaq nalinginnaasumik nalornisinnaammat, sulilerlaap toqqassisimanissaata anguniarneqarnis-saa aqutsisumit isumagineqassaaq. Paasissutissat sulilerlaamut ingerlateqqinneqarnissaat immikkoor-tortami aqutsisumit akisussaaffigineqarput, ilaatigut makkuninnga imaqarsinnaallutik:

- Nerrivimmik suliffissannik innersuunneqassaatit, pisariaqassapat qarasaasiamut isertaatissannik im-maqalu suliffinnut matuersaammik tunineqarlutit.
- Suleqatissannut ilisaritinneqassaatit
- Periarfissaqassappat ulloq siullermi suliffigisassanni immikkoortortami ullaakkorsioqatigiittoqassaaq.
- Immikkoortorta q pillugu paasissutissiivigineqassaatit, ilaatigut:
 - Suleqatitit, ingerlatsinerit periutsillu nutaat
 - Suliffeqarfik pillugu atugassarititatigut avatangiisit
 - Suliffeqarfiup iluani/avataani suleqatit

Paasissutissat siulianiittut ullut arlallit ingerlanerini paasissutissiissutigineqarnissaat aamma/ imaluunniit pisariaqarfiisigut aatsaat paasissutissiissutigisarnissaat naatsorsuutigissavat, taamaalillutit pisariaqarfiini paasissutissat atorsinnaassallugit.



Suliffik

Piffissaq suliffissaq

Piffissaq suliffiususaaq isumaqatigiissutigut aalajangersagaavoq.

Akunermusialinnut qaammammusialinnullu sapaatip akunneranut akunnerni 40-ni suliffiuvoq, Qeqqata Kommunianilu allaffeqarfimmi nunaqarfinnilu allaffinni ulluinnarnut tallimanut agguataaqqallutik.

Akunnerit suliffiit tassaapput:

- Nalinginnaasumik sulineq 8:00-16:00
- Pinngitsoorani suliffimmiiffissaq 9:00-15:00
- Nikerartumik suliffissaq 7:00-9:00 aamma 15:00-17:00

Suliasat naammassisassat naammaginartumik naammassisinnaaqqullugit, **nalinginnaasumik sulinerup nalaani** immikkoortortat tamarmik sulisoqassapput.

Pinngitsoorani suliffimmiiffissami sulisut tamarmik pinngitsooratik immikkoortortaqaarfimmiissapput.

Sulisulli pinngitsoorani suliffimmiiffissami nikerartumik suliffissaq atorsinnaavaat, soorlu arlaatigut pisasaqarunik, assersuutigalugu nakorsiarniarunik kigutileriffiliarniarunilluunniit.

Ataasinngornerit, marlungornerit, sisamanngornerit tallimanngornerillu tamaasa nal. 10.00-15.00 akornanni kommunimi oqarasuaat 70 21 00 ammasarpoq.

Piffissat pineqartut avataanni oqarasuaat nammineq akisartumut nuunneqartarpoq.



Nikerartumik suliffissat

Suliassat suliarineqarnissaat eqqarsaatigalugit sulisut "takkunnissaannut aamma soraarnissaannut" toqqaasinnaanissamut periarfissaqarluni nikerartumik suliffissat piffissaligaapput.

Ullup qeqqarneq nikerartumik suliffissanit atuinikkut sivitsorneqarsinnaavoq, taamaattorli sivilunerpaamik akunnermik ataatsimik.

Ullup qeqqanut sulinikkut nikerartumik suliffissanik katersisoqarsinnaanngilaq.

Nikerartumik suliffissat piffissami uaniipput nal. 7:00 - 9:00 aamma nal. 15:00 - 17:00 aammalu pinngitsoorani suliffimmiinnissamut piffissami uaniippoq nal. 9:00-mit 15:00 tungaanut.

Pinngitsoorani suliffimmiinnissap inissisimanissaa immikkoortortami aqutsisumut ataasiakkaarluilu isumaqatigiissutigineqarsinnaavoq, taamaattorli nalinginnaasumik sulinerup iluani aammalu suliffeqarfiup ammanerani suliffiup sulisoqartuaannarnissaa pingaaruteqarpoq.

Akunnernik atuinissaq immikkoortortami aqutsisup sulisullu akornanni isumaqatigiissutigineqassaaq.

Aaqiinermi sapinngisamik eqaatsuunissaq anguniarlugu nikerartumik akunnernut akunnerit amerlasusaat killissatut aalajangersakkat iluaniitinniarneqassaaq aammalu 0-p missarluinnaatinneqarnissaa anguniarneqassalluni.

Atorfinitsinermit suliffimmi nikerartumik suliffissat inissisimanerat paasissutissiissutigineqassaaq. Ilisimasavat, suliffeqarfiit ataasiakkaat inatsisit, sulisullu ataasiakkaanut isumaqatigiissutit iluini piffissaq suliffiussaaq immikkut malittarisassiuussinnaamassuk.

Suliffeqarfiup sullissineranut, sulinerullu nalaani sulisut eqaannerusumik sulisinaanissamik kissaateqarnerinut, malittarisassat aqutissiuussissapput.

Qaangiuttoorneq

Qaangiuttoorsinnaanerit siumut ilimasaarutigineqartassapput, suliartoqquneqaratarsinnaanermullu tunngasut pisortamit suliartoqquneqaratarsinnaanermullu tapinik pigisallip akornanni isumaqatigiissutaasassallutik.

Sapinngisamik qaangiuttoornerit pinaveersaarneqassapput, qaangiuttoortoqartilluguli taarsiullugu sulinngiffeqartitsineq atorneqassalluni.

Qaangiuttoornernut taarsiullugu sulinngiffeqarnerit, sulisup atorfininnerani isumaqatigiissutaani atugassarititaasut naapertorlugit pisassaaq, qaninnertullu pisortarisaq isumaqatigiissuteqarfigineqartassalluni.

IMAK naapertorlugi atorfinitsinneqartunut immikkut malittarisassaaqarpoq.

Qaammammusiaqartutut qaammatip naanerani qaammammut immersugassaq tunniuttassavat. Tunniunneqanngippat aqutsisut qaangiuttoorsimangitsutit ilimagissavaat.

Peqquteqarluni sulingitsoorneq

Peqquteqarlutit sulingitsuussaguit, matumani napparsimanerlutit il.il., sulinerup aallartiffiani pisortari-sannut nalunaaruteqartussaataavutit.

Qaangiuttoorsimanermut taarsiullugu sulingiffeqarnerit

Sulisoq qaangiuttoornikuusimaguni, qaangiuttoornermut taarsiullugu sulingiffeqarnermik taarserne-qassaaq.

Qaangiuttoornernut taarsiullugu sulingiffeqarnerit, sulisup atorfininnerani isumaqatigiissutaani atu-gassarititaasut naapertorlugit pisassaaq, qaninnertullu pisortarisaq isumaqatigiissuteqarfigineqartas-salluni.

IMAK naapertorlugit atorfinitsinneqartunut immikkut malittarisassaaqarpoq.

Qaangiuttoorsimanernut imaluunniit nalinginnaasumik suliffiup avataani suliaqarsimanermut taarsiullu-gu qaangiuttoornernut taarsiullugu sulingiffeqarneq periarfissaasinnaavoq.

Isumaqatigiissutit naapertorlugit imaluunniit isumaqatigiissutit naapertornagit sulisut qaangiuttoorner-nut taarsiullugu sulingiffeqarnissamut piumasaqaateqarsinnaapput.

Tamanna isumaqatigiissutit aammalu ataasiakkaanut isumaqatigiissutit apeqqutaaginnarput.

Piffissaq qasuerserfik

Kalaallit Nunaanni sulinermi avatangiisit pillugit inatsimmi nalunaarut nr. 1048, 26. oktober 2005-meer-soq naapertorlugit § 3-mi allassimavoq, piffissaq suliffissaq aqqissuunneqartassaaq sulisorisat piffissap nal. akunnerinik 24-nik sivisussusillip ingerlanerani minnerpaamik nal. akunnerini 11-ni ataannartuni qasuersarfissaqartussanngorlugit.

Tamanna ima paasineqassaaq, piffissatut suliffissaq ima aqqissuunneqassanngilaq, sulisoq tullissaanik suliartornissami tungaanut minnerpaamik akunnerni 11-ni qasuersaarsinnaassanani.

Piffissani sivikinnerusunut aalajangersakkat allaanerusinnaapput, tamannali aqutsisumit sinniisumiillu aatsaat akuersissutigineqaaqarluni pisinnaavoq.

Unikkallarnerit

Ullaap tungaani, ullup-qeqqanut ualikkullu unillatsiarnissamut periarfissaqarpoq.

- Ullaap tungaa 15 min.
- Nal. 11:30-p 13:00-illu akornanni 29 minutsini ullup-qeqqasioorneq.
- Ualikkut 15 min.

Inoqatinut attaveqaatinut atatillugu

Sulisut amerlasuut inuit attaveeqatigiittarfiinik assigiinngitsunik assersuutigalugu Facebook, Instagram, Twitter, il.il. atuisuupput.

Inuit attaveqatigiittarfiini imarisai pisortatigut aammalu nammineq soqutigisat ataatsimoorsinnaasarpup. Assersuutigalugu inoqatinut attaveqaatini ikinngutivit akornanni suleqatinnik, ulluinnarnilu sullitanik innuttaasunik ilaqarsinnaapput.

Inoqatinut attaveqaatini namminerisamik pissusilersoralu lutit, nutaarsiassaatiit oqaaseqaatitillu sulifinnut attuumassuteqartutut isigineqaratarsinnaapput.

Taamaattumik Qeqqata Kommunanut attuumassuteqarsinnaasunik qulequtat pillugit attaveqaqateqarnermi immikkut eqqarsarluartariaqarputit aammalu sulisitsisunnut sulisutut tatiginartussaataitaanerit eqqumaffigissavat.

Tatiginartussaataitaanermi sulisoq pissusilersuutimigut suliffiup nalaani sulinngiffiup nalaanilu Qeqqata Kommuniata sulinermi naleqartitaanik ileqqulersuutaanillu malinnissaaq, matumani sulisup oqaaseqarnermigut iliuuseqarnermigullu suliffiup siuneqassusianik imaluunniit isumaanik ajoqusiinnginnissamik qulakkeerinnissalluni.

Qeqqata Kommunanut atatillugu malitassaq pitsaasoq tassaavoq, inoqatinut attaveqaatini saqqummiunneqarsinnaasut kisiisa allattassagitit.

Tamanna aamma assersuutigalugu julefrokostimi allatulluunniit ataatsimuualaarnermi suleqatinnit assinik ikkussiguit tamanna atuuppoq.

Inuit attaveqatigiittarfiini assinik ikkussaqaarniaruit aallaavittut akuerineqarnissat pillugu qinnuigineqqaassaatit.

Matumani suliffinnut, suleqatinnut innuttaasunullu tamanna atuuppoq.

- Allatsinnak ilisimasatit oqaatigeqqusaanersut eqqarsaatigilluaqqaakkit.
- Imarisaa saqqummiutissallugu naapertuunnersoq eqqarsaatigilluaruk.
- Kina allatanik assinillu tiguisuussanersoq eqqarsaatigilluaqqaaruk.

Qeqqata Kommunia akuersiteqqaarnagu, Qeqqata Kommuniata ilisarnaataa inuit naapittarfiini namminersuutigisanni atussanngilat.

Paasissutissanik nakkutilliisoqarfiup nittartagaa takuuk: www.datatilsynet.dk

Nipangiussisussaatitaaneq

Qeqqata Kommuniani sulininni paasissutissat pissarsiarisatit imaluunniit ilisimalikkatit allanut oqaatigineqannginnissaat, taamaattumillu inunnut imaluunniit suliffeqarfinnut allanut ingerlateqqinneqannginnissaat pingaaruteqarpoq.

Qeqqata Kommuniani sulisut tamat assigalugit nipangiussisussaatitaavutit.

Nipangiussisussaatitaanermik unioqqutitsineq annertuumik unioqqutitsinertut Qeqqata Kommuniani isigaarput, taamaattumillu nipangiussisussaatitaanermik unioqqutitsinerit atorfeqartitaanermut kinguneqarsinnaalluni.

Atorfinitsitaanermut isumaqatigiissutip saniatigut immersugassamik atsiugassamillu (akunnermusiallit) nipangiussisussaatitaanermut uppersaammik tunineqassatit, qaammammusalimmut nipangiussisussaatitaaneq isumaqatigiisummut ilaavoq.

Tatiginassuseq

Suliffeqarfimmi sulisuuguit sulisutut sulisitsisunnut tatiginartussaatitaavutit. Tunngaviatigut ima isumaqarpoq sulisitsisunnut suliffeqarfirmulluunniit ajoqutaasinnaasumik iliuuseqassanngilatit.

Sulisitsisunnut tatiginartussaatitaanerit ilaatigut ima isumaqarpoq:

- unammillertimi sulissanngitsutit
- unammillertumik suliffeqarfirmik aallartitsissanngitsutit
- sulisitsisut pillugu ajortumik oqalussanngitsutit (ass. inuit attaveqaaqatigiittarfiini)
- paasissutissanik nipangiusimasussaatitaasunik ingerlatitseqqissanngitsutit
- suliassavit iluani sullissisunnit suliakkiunneqartunik suliariumannissanngitsutit



Illit pillutit

Piffissami siullermi ikorfartortissat

Suliffimmi aallartinnermi suliassat qanoq suliarineqartarneranik nalorninartoqartuaannarmat, suliassat suliariniarnerinut sulilerlaamut ajornakusoornermik misigilersitsisarput.

Sulilerlaaq sulisut sinnerinut apeqquteqartariaqarnermigut pisarissersuutitut misigisinnaavoq.

Piffissami siullermi sulilerlaamik ikiuisussamik ikorfartortimik immikkoortortami aqutsisoq toqqaasinnaavoq.

Pujortartarneq

Innuttaasut peqqissuunissaasa siuarsarneqarnissaa kiisalu inuit pujortarfigitinnermikkut piumassuserinnigaminnik ajoqutaasunik kingunerlutsisisinnaanerannik pinaveersaartitsinissaq Qeqqata Kommunianit kissaatigineqarpoq.

Tamannalu tunngavigalugu 2021-mi novembarip 25-anni, 2022-mi maajip aallaqqaataannit atuutilersumik pujortartarneq pillugu politikkimik akuersissuteqarpoq, kiisalu politikkip nikotifinalinnik atuinermut allangortinneqarnera 1. januar 2025-mi atuutilersussa.

Pujortartarneq pillugu politikkimi tullinnguuttut allasimapput:

1. Sulinerup nalaani pujortaqqusaanngilatit, snusitoqqusaanak e-cigaritsitoqqusaanallu
2. Soraareeraluaruilluunniit kommuunip illuutaata silataani pujortaqqusaanngilatit.

Pujortartarneq pillugu politikki [takuuk](#).

Tipigissaatit eqqiluisaarnerlu

Suleqatit sapigaqartut eqqarsaatigalugit, sulinerup nalaani sulisut tamarmik tipigissaatinik, kingunerutinnik assigisaannillu sakkortuumik tipilinnik atuinnginnissaannik kaammattorneqarput. Taamatullu tamat eqqiluisaarluartariaqarput.

Kinguneqartitsinerit

Pujortaaqusinnginnermut malittarisassat unioqqutinneqarneri, atorfinitsitaanermut malittarisassat nalinginnaasut naapertorlugit kinguneqartitsissutaasassapput.

Pujortaaqusinnginnermut malittarisassanik unioqqutitsinerit qanoq kinguneqaatissiisutaassanersut, tigussaasumik ataasiakkaartumillu nalilersuinikkut ingerlanneqartuaannassapput.

Siullermeertumik pujortaaqusinnginnermut malittarisassanik unioqqutitsiguit, nalinginnaasumik uparuarneqassaatiit imaluunniit mianersoqqusummik tunineqassaatiit.

Uteqqiasumik unioqqutitsisoqarpat, tamanna mianersoqqusinermik, soraarsitaanermik imaluunniit sakkortunerusumik pisoqartillugu ingerlaannartumik soraarsitaanermik kinguneqarsinnaavoq.

Qeqqata Kommunia pujortarunnaarnissamut pikkorissaanernik neqerooruteqartarpoq.

Atornerluinerit pillugit politikki

Qeqqata Kommunia sulisuminut imigassamik, ikiaroonartumik, iisartakkanik, aningaasanoorajunnermik aamma aanngajaarniutinik allanik atornerluilersimasunut ikiuunnissaminik neqerooruteqartarpoq. Atornerluilersimaneq inuup kisimi pigisassarinngilaa.

Suleqatit atornerluilersimasut, atornerluinerini sapinngisaa tamaat atorlugu ikiorniagassaapput. Tamatumani akisussaaffik aqutsisuniinneruvoq, tamatumani suliffigissaanermilu sinniisut ilanngullutik, aamma akisussaaqataapput.



Ulluinnarni malittarisassat

Sulisut sulinerup nalaani imigassartoratilluunniit ikiaroonartutortussaangillat.

Suleqatit, sulinermut atatillugu imigassartalmik aqqissuussinerni peqataasut, pissuserissaarlutik peqataanissaat imernissaallu naatsorsuutigineqartarpoq.

Immikkut pisoqartillugu soorunalimi imigassartortoqarsinnaasarpoq, soorlu juullerpalaartitsineri, nal-liuttorsiuteqarnermi, festernerni il il.

Unioqqutitsineri imaluunniit atornerluinermik pasitsaassinermi kina akuliutissava?

Malittarisassanik allaaserineqartunik unioqqutitsineri imaluunniit atornerluisuusoqarneranik ilimasuuteqarnermi qaninnertut aqutsisoq sulisumut pineqartumut attaveqarnissamut pisussaaffeqarpoq.

Qaninnertut aqutsisup erngertumik akuliunnissaanik pisariaqartitsisumik pisoqaratarsinnaavortaaq, taamaattoqarneranilu sinniisoq aamma/imaluunniit najortimik peqataasoqarsinnaanani. Taamaattoqartillugu kinguneratigut sinniisoq paasissutissiivigineqassaaq. Atornerluisoqartoq paasineqarpat, sulisoq kinguneqartussamik asissuijuitsumillu ikiorneqarnissaanik neqeroorfigineqassaaq.

Atornerluinernut katsorsartinnissamut qinnuteqarnissamut tapersersuineri ilitsersuinermillu ikiutissatut neqeroorutigineqartoq imaqartinneqassaaq.

Qanoq akuliuttoqassava?

Sulisumik siullermeertumik ataatsimeeqateqarneq

Uppernarsaatit, ass. piffissap ingerlanerani patajaanngitsumik suliartortarnerit, isummakkut allannorartorujussuunerit, suliatigut naammassisartakkat appariartornerit imaluunniit malinnaaniarnermut ajornartorsiorterit aallaavigalugit atornerluinermik ilimasaaruteqarneq pillugu oqaloqatiginninnissamik kissaateqarneq pillugu aqutsisoq sulisumut oqaasiinnakkut nalunaaruteqassaaq.

Ataatsimeeqatigiinissamut isumaqatigiissutaasoq sioqqullugu aqutsisoq tigussaasunik ikiorsiiniutinik aallartitsissanngilaq.

Sulisup kissaatigippagu sinniisoq ataatsimiinnermi peqataassaaq. Sulisup pisinnaatitaaffisa malinneqarnissaata qulakkeerneqarnissaat sinniisup isumagisassaraa.

Ataatsimiinnermi sinniisup peqataanerata saniatigut sulisoq najortimik peqataatitaqarsinnaavoq.

Ataatsimiinnermi ataatsimiinnermut aqutsisup suna tunngaviginerlugu nassuiaassutigissavaa, soorluttaaq pisumut sulisoq nammineq aamma paasinninnerminik nassuiaateqarnissamut periarfissinneqassasoq.

Ataatsimiinnermi illuatungeriit paatsooqatigiittoqarsimanerani isumaqatigiippata aammalu atornerluisoqanngitsoq paasineqarpat, sulisumit kissaatigineqarpat imaqarniliortoqassaaq. Maluginiarneqassaaq, ataatsimiinnermi imaqarniliat assilinerannik inunnut ataasiakkaanut sulianut ilanngussisoqartarmat.

Ajornartorsiut allaasoq paasineqarpat, ajornartorsiutip aqqiivigineqarnissaanut sulisoq pineqartoq ikiorneqarnissamik tapersersorneqarnissamillu neqeroorfigineqassaaq.

Ataatsimiinnermi sulisoq atornerluisuunermik nassueruteqarpat, pissusilersuutinik allannguissamut/ atornerluinermik unitsitsinissamut akisussaassuseqartoqarnissaanik pineqartumut erseqqissaatigineqassaaq, soorluttaaq ikiorserneqarnissamut periarfissat assigiinngitsut paasissutissiisutigineqassasut.

Atornerluinermik ajornartorsiuteqarnermik sulisumit nassuerutigineqanngippat aqutsisumiillu taamatut paasinnineq isumaqatigineqanngippat, tamanna sulisumut saqqummiunneqassaaq. Pissusilersuutikut suut allanngortinneqarnissaannik imaluunniit pitsanngorsarneqarnissaannik kissaatigineqarnermut aqutsisumit sulisumut taakkartorneqassapput.

Pisuni taakkunani marluusuni imaqarniliortoqassaaq, sulisup assinganik tunineqassalluni aammalu qaammatit pingasut iluini ataatsimeeqatigeeqinnissamut isumaqatigiissusiortoqassalluni.

Sulisoq qanoq akisussaaffeqarnermaq aammalu sulisup pissusilersuutitigut allannguissamut kajumissuseqanngippat, tamanna atorfeqartitaanermut kinguneqarsinnaaneraniit aqutsisoq sulisumut nalunaaruteqassaaq.

Akulusimasut asissuijitsumik ajornartorsiummik eqqartuinissaminnut pisussaaffeqarput aammalu sulisumut ikiuinissamik kajumissuseqarnermik takutitsinissamut pisussaaffeqarlutik.

Kommuni ikiuinissamut suut periarfissaanersut pillugit aqutsisoq sulisumut paasissutissiisussaataavoq.

Sulisumik aappasaanik ataatsimeeqateqarneq

Ataatsimiinnermi tassani ilaatigut sulisup naliliinera aallaavigalugu pisumik nalilersuisoqassaaq. Piffissaq qanoq ingerlasimava? Pitsanngoriarpa/allanngunngila/ajornerulerpa?

Sulisup inissisimanerata allanngorsimanninnera imaluunniit ajornerulersimanera paasineqarpat, katsorsartinnissamut ikiorneqarnissamik neqerooruteqartoqassaaq.

Ataatsimiinnermi tassani sulisoq atornerluinermik suli ajornartorsiuteqannginnerarpat, tamannalu uppersaatit aallaavigalugit aqutsisumit isumaqatigineqanngippat, sulisoq katsorsartinnissamut neqeroorummik tigusinissaanik qinnuivigineqassaaq tamatumalu kingorna ataatsimiinnermit imaqarniliamik sulisoq tunineqassalluni.

Siullermi ataatsimiinnermi isumaqatigiissutigineqartunut atatillugu allanngortoqarsimannngippat imaluunniit sulisoq katsorsartikkusunngippat, tamanna allakkatigut mianersoqqussummik kinguneqarsinnaavoq.



Sulisumik pingajussaanik ataatsimeeqateqarneq

Allakkatigut mianersoqqussummut atatillugu pisariaqartumik naammaginatumillu pitsanngortoqarsimangippat, ataatsimiinnissamut aggersaasoqaaqissaaq sulisumillu soraarsitsinermik suliamik aallartit-sisoqarsinnaalluni.

Ilaqutariinnik aamma/imaluunniit imigassamik katsorsaaneq

Ilaqutariittut imigassamik atornerluisuunermut katsorsartinnissamut qinnuteqarnissamut, tapersersuinissamut ilitsersuinissamullu sulisumut neqerooruteqarnissamut Qeqqata Kommunia piareersimavoq.

Sulisut atugassarititaasa pitsaanerulersinnissaannik Qeqqata Kommunia anguniagaqarpoq.

Tigussaasumik naliliisoqareernerata kingorna ilaqutariinnik katsorsaannissamut 66,67 procentimik kiisalu angalanermut aningaasartuutitut 100 procentimik tapiissuteqartoqarsinnaavoq.

Katsorsarneqarnermi sapaatit akunnerini siullerni marlunni akissarsiaqarluni sulinggiffeqartoqarsinnaavoq.

Katsorsartinnerup nalaani sulisoq napparsimasutut nalunaassaaq.

Sulisumit katsorsartinneq naammassineqarpat aatsaat akissarsiat pigiinnarlugit sulinggiffeqarneq tapiiffigineqarnerlu atuutissapput. Tamanna aaqqiissut sulisunut ukioq ataaseq atorfeqareernerisa kingorna atuuppoq, paarlatsinut ilinniartunullu atuutinngilaq.

Katsorsartinnissamut tapiiffigineqarnissamut qinnuteqaatit sulisup akisussaasutut pisortaanit akuersissutiginneqarsimassapput aammalu – assigiimmik suleriaaseqarnissaaq eqqarsaatigalugu katsorsartinnerup aallartinneqannginnerani allakkatigut qinnuteqaammik uppersaasussanut Qeqqata Kommuniani sulisoqarnermut immikkoortortamut nassiunneqassalluni.

Katsorsaannermut Qeqqata Kommunianit aningaasartuutit sulisitsisup missingersuutaasa iluani ingerlanneqassapput, tassa aningaasaliissutit iluini. Katsorsaaneq Kalaallit Nunaanni ingerlanneqassaaq.



Pinartoqartillugu ikiugasuarneq

Sulisut tassanngaannartumik eqqugaasut pinasuartumik ikiorneqarnissaannik siunnersorneqarnissaannillu neqeroorfigineqarnissaannut Qeqqata Kommunanit qulakkeerniarneqarpoq.

Tassanngaannartumik annertuumik pinartoqarneq atugarliorneruvoq. Sulisup pinartumik nalaataqarnera amerlanertigut attaveqaqataanut attuumassuteqarsinnaaneranik nassuiaa taasinnaavoq tassa suliffeqarfiup iluani imaluunniit avataani.

"Inuttut pinartumik nalaataqarneq" ataasiakkaanit qaangerniarsarineqartussatut Qeqqata Kommuniata isiginninerinngilaa, sulisullu eqqugaasup piaartumik ikiorserneqarnissaanut tapersersorneqarnissaanullu Qeqqata Kommunia suliffeqarfittut inooqataanermut akisussaaffimmik tiguseqataavoq.

Oqaloqatiginninnikkut katsorsaaneq Ilaqutariinni ajunngitsuni ajortunilu immitsinnut pinngitsoorsinnaanngilagut. Taamaattumik ilaqutariinni ataasiakkaat qanoq innerat aammalu qanoq suleqatigiinnerat ilaqutariit ingerlanerannut pingaarutit teqarput. Ilaqutariinni inuk ataaseq arlalliluunniit

ingerlalluanngippata, ilaqutariit tamakkerlugit sunnerneqassapput.

Ilaqutariinni inuk ataaseq ajornartorsiuteqaraangat, ilaqutariit ajornartorsiuteqartarput taamaattumik avataanit ikiortissarsiortoqaruni ajunnginnerussaaq.

Ilaqutariinni ajornartorsiutaasunut patsisaasut assigiinngissinnaasarput. Assortuunnerit, soqutigittaanerit, qunusiarinninnerit, malittarisassat sakkortuut, angerlarsimaffimmi nillianerit, kamannerit, nipangersimanagerit patsisaasinnaapput.

Annertunerusumik paasisaqarusunnermi, Sulisoqarnermut immikkoortortaarfik saaffigineqarsinnaavoq.

Oqaluusseriaaseq

Qeqqata Kommuniata inussiarnersumik persuarsiunngitsumik kiisalu qiimasumik ataqqinnittumillu oqaluusseriaaseqarnissaq pingaartinneqarpoq. Tamanna sulisunut kiisalu innuttaasunut suliffimmik tulluurtumik akuersaartumillu misigitilersitsinissamut pilersitseqataavoq.

Allat killissaannik qaangiisunik pissusilersornerit aqutsisunit iliuseqarfigineqartarput.

Sulisut, aqutsisut innuttaasullu akornanni oqaloqatiginninneq naleqqatigiittut attaveqaqatigiittullu ingerlanneqarnissaa, aqutsisunit kissaatigineqarpoq.

Oqaatsinut politikki

Qeqqata Kommuniata sulisut atorfeqartitaanerminnut ilanngullugu kalaallisut, qallunaatut tuluttullu ilinniarsinnaanerminnut pisinnaatitaallutillu pisussaaffeqarput.

Oqaatsinut politikki marluinnik sukaqarpoq, tassalu oqaatsinik pikkorissarsinnaanermik sulianullu ilaatillugu atuartitsineq.

Sapaatip akunnerani piffisasami aalajangersimasumi, soorlu tallimangornerit tamaasa nal. 13:00-imit 14:30-p tungaanut suliffeqarfimmi ilinniartitsineq ingerlanneqartassaaq.

Ukioq kaajallallugu sulisut suliffimmi ilinniartinneqartassapput, taamaalilluni ataavartumik eqqissimasumillu ilinniartitsisoqassalluni.

Suliffeqarfimmi ilinniartitsineq suliffiup iluani ingerlanneqartassaaq, tassani kalaallit qallunaanik ilinniartitsisassallutik qallunaallu kalaallinik ilinniartitsisassallutik. Sulisut kalaallisut qallunaatullu oqaasillit tuluttut ilinniartinneqarnissaminnik neqeroorfigineqassapput. Sulisut kalaallisut oqaasillit tuluttut imaluunniit qallunaatut ilinniarnissaminnik kissaateqarnerlutik toqqaasinnaapput.

Sulisoq ukioq ataaseq kalaallisut ilinniartinneqarsimaguni, kommunip nunaqarfiini allaffimmi sapaatip akunneranik sivissusulimmik suliarforsinnaanerminik neqeroorfigineqassaaq.

Ukiut tallimat oqaatsinik ilinniarnermik ingerlatseermermi, qaavatigut ikiutissatut oqaasilerinermik angalanermik kiisalu ukiuni tallimani ingerlatsilluarsimanermik akissarsititsilluni angalatitsinermik neqerooruteqartoqarsinnaavoq.

Kalaallisut oqaatsit pingaarnertut oqaasiupput, qallunaatullu oqaatsit tulluullutik. Taamaattumik qallunaatut attaveqatigiinnerit, kalaallisut nutsernerinik ilaqartariaqartassapput.

[Oqaatsinut politikki takuuk.](#)

Inuummarissaasut

Qeqqata Kommunia inuunerissaasunik ilinniarsimasunik peqarpoq, taakku atuarfinni, meeqqerivinni, utoqqaat angerlarsimaffiini allaffissuarnilu inissisimapput. Inuunerissaasutut aallartitaqarnissamik siunertaasoq tassaavoq, suleqatigiinnut tamanut suliffeqarfinni ataasiakkaanni sammisanik peqqinnerulersitsisinnaasunik pilersitsinissaq.

Isumassarsiaqaruit, sammisassami allamiluunniit ilitsersuisoorusukkuut, Ineriartortitsinermut pisortaq imaluunniit atuilluartuunissamut siunnersorti inuunerissaasunik suliaqartuusoq attaviginissaanut tikilluaqqusaavutit.



Foto: Lasse Kyed - Destination Arctic Circle

Atorfinitsitsinermi pissutsit

Atorfinitsitsinermi politikki

Atorfinni tamani najugaqavissunik atorfinitsitsisoqartarnissaa, Qeqqata Kommuniata anguniagaraa.

Najugaqavissunik piginnaasalimmik pissarsisoqarsinnaangivitsillugu, avataanit atorfinitsitsisoqartasaaq.

Marluinnik oqaasillit, kalaallisut/qallunaatut aamma pingasuinnik oqaasillit, kalaallisut/qallunaatut/tuluttut ataatsimut naliliinermi pingaaruteqartutut inissisimapput.

Atorfiit allagarsiunneqareernerisa kingorna, qinnuteqartullu akornanni atorfirmut piukkunnarnersiue-reernerup kingorna, atorfiit inuttalernerqartarput.

Atorfinitsitsinerne qinnuteqartuni najugaqavissut piukkunnaateqartut salliunneqartarput.

Matumani suliffimmik misileereernerne ilinniarnermik naammassinnittunut tamanna aamma atuup-poq.

Qeqqata Kommuniani suaassuseq, inuiaassutsikkut tunuliaqutit, innarluutit, ilinniarsimaneq imaluunniit atorfik apeqqutaanani, sulisunut sulinissami assigiimmik periarfissaqartitsisoqassaaq.

Sulilerlaat Qeqqata Kommunianut nuuttut mittarfimmi imaluunniit umiarsualivimmi tikilluaqquneqar-tassapput, sapaatip akunneratalu siullermi qaninnertut suleqatinut suleqatigisanullu ilassitinneqarluni.

Atorfinitsitsinissami ataatsimiititaliaq

Qinnuteqaatit oqaloqatiginninnerillu tunngavigalugit, piukkunnaatilik sorleq atorfirmi suliatigut inut-tullu piginnaasatigut piumasaqaataasunut piukkunnaateqarnerunersoq atorfinitsitsinissami ataatsimii-titaliaq aalajangiisarloq.

Atorfirmut kina neqeroorfigineqarnissaanik ataatsimiititaliaq aalajangiitinnagu, sulisitsisorisimasat minnerpaamik marluk attavigineqarsinnaasut pissarsiarineqassapput.

Kikkut attavigineqarsinnaanissaannik qinnuteqartoq atorfinitsitsinissami ataatsimiititaliap siulittaasua-nut akuersissummik tunniussereerpat aatsaat attavigineqarsinnaasut pissarsiarineqartarput.

Ullormi aalajangiiffiusumi atorfinitsitsinissami ataatsimiititaliap siulittaasua piukkunneqartumut ator-fimmik neqerooruteqarluni nalunaaruteqaqqaassaaq, tamatumalu kingorna allat piukkunneqarlutik oqaloqatigineqarsimasut, taamaattorli atorfirmik neqeroorfigineqanngitsut nalunaarfigissallugit. Atorfirmik neqeroorfigineqanngitsut neqeroorfigineqannginnerinut piaartumik ilisimatinneqassapput.

Piukkunneqartut taamaattorli atorfirmik neqeroorfigineqanngitsut Qeqqata Kommunianik attave-qarnerisa pitsaasuunissaat anguniagaavoq. Atorfinitsitsiniarnermi periutsit ataasiakkaat, imaappoq atorfinitsitsinissami ataatsimiititaliamik pilersitsineq, atorfirmut sulisussarsiornissamik suliaqarneq aam-malu atorfirmut piukkunnaatilinnik toqqaaneq Sulisoqarnermut immikkoortortamut pilersaarutip quppernerini 1-3-ni atuarneqarsinnaapput.

Ineqarneq

Atorfinnik sulisussarsionerni tamani Qeqqata Kommunia tulluuttutigit neqerooruteqarsinnaanersoq allasimasarpoq:

- Inatsisit atuuttut naapertorlugit suliffimmut atatillugu inissaqartitsisoqarnerseq imaluunniit
- Suliffimmut atatillugu inissaqartitsisoqannginnerseq imaluunniit
- Atorfimmut atatillugu inissaqarnissamik pisussaataaasoqarnerseq

Avataanit qinnuteqartut aallaavittut suliffimmut atatillugu inissaqartitsisoqartarpoq. Suliffimmut atatillugu inissaqartitaasoqarsinnaanersoq atorfinitsitsinnginnermi erseqqissarneqassaaq aammalu inissamik inniminniikkut atsiornermik inissineqartarluni.

Sulisoq suliffimmut atatillugu inissamut neqeroorutigineqartumut itigartitsissuteqarpat inissamik allamik neqeroorfigineqarnissaminik naatsorsuutigineqarsinnaangilaq.

Suliffimmut atatillugu inissamik neqerooruteqartarneq Sulisoqarnermut immikkoortortamit isumagineqartarpoq, tassani sulisup illoqutigiit amerlassusaanik aammalu inissap annertussusaanik inissamik inniminniikkut paasitinneqarluni atsiornermik uppersaassalluni.

Inissap inissisimaffinnik piumasarinngisanik kissaateqartoqarsinnaavoq. Sulisoqarnermut immikkoortortaqarfimmit akuersissuteqarluni kissaataasinnaasut inissiatileqatigiiffimmut ingerlatitseqqiisoqarsinnaavoq.

Taamaatoqartillugu Qeqqata Kommuniata iluani nutsernissamut atatillugu aninggaasartuutit sulisumit nammineq akilerneqassapput.

Utaqqiisaasumik inissiaq

Suliffimmut atatillugu inissamik ataavartumik tunniussinnginnermi, atorfeqartitsinermut ilaalluni Qeqqata Kommunia utaqqiisaasumik inissaqartitsissaaq.

Utaqqiisaasumik inissamik tunniussineq Akileraartarnermut Aqutsisoqarfimmut nalunaarutigineqassaaq, utaqqiisaasumik inissiaq sulisumut tamakkiisumik imaluunniit ilaannakortumik akiliutitaqanngitsumik atukkiunneqartarmat, akileraarutaasussanik isertitanut utaqqiisaasumik inissiap nalinga ilanngunneqartarmat.

Tamakkiisumik ilaannakortumilluunniit akeqanngitsumik inissaqartitsisarnermut aammalu akeqanngitsumik ineqartitaanermut akileraartarneq pillugu Akileraartarnermut Aqutsisoqarfiup nalunaarutaani tamatumunnga malittarisassat ersarinnerusut atuarneqarsinnaapput.

Utaqqiisaasumik ineqartitaanermi ajunngitsorsiasat.

Sulilernermi soraarnermilu ilaatigut sulisumut, ilaqutaanullu utaqqiisaasumik ineqartitaanermi ajunngitsorsiasaqartitsisoqartarpoq. Tamakkiisumikpequtsersugaanngitsumiksulisumut ilaqutaanullu ineqartitsigallarnermi aatsaat ajunngitsorsiasaqartitsisoqartarpoq.

Inissinneqarnermi nerisassanik pissarsisoqarsinnaangippat imaluunniit igaffeqanngippat, taava sulisumut ilaqutaasunullu utaqqiisaasumik ineqartitaanermi ajunngitsorsiasaqaartitsisinnaavoq.

Utaqqiisaasumik ineqartitaanermi ajunngitsorsiasat pingaarnertut ulluni 30-ini atuutsinneqarsinnaapput. Sulilernermi soraarnermilu utaqqiisaasumik unnuisarfirmut nuutinneqarnissamut piffissaq ullormut ataatsimut killilersimaartinneqartarpoq.

Utaqqiisaasumik ineqartitaanermi ajunngitsorsiasanut malittarisassat Nalunaarutit – Grønlands Lovsamlingimi atuarneqarsinnaapput.

Atorfinitsitsineq

Atorfinitsitaanermut isumaqatigiissut sulilerlaamit atsiorneqarsimasoq Qeqqata Kommunianit tigunegassaaq, oqarasuaatikut imaluunniit mailikkut, paasissutissat ilanngullugit nassiullugit, immikkoortortami aqutsisup sulilerlaaq attavigissavaa.

Isumaqatigiissutit naapertorlugit akunnermusialittut/qaammammusialittut sulisut

Akunnermusialinnut qaammammusialinnullu sulisunut tamanut isumaqatigiissut Qeqqata Kommuniata kattuffullugu sulisup ilaasortaaffiata akornanni isumaqatigiissutaasoq atuuttarpoq.

Ilinniartunut Qeqqata Kommuniata SIK-llu akornanni isumaqatigiissut atuuppoq.



Ilinniartut

Qeqqata Kommunia Niuernermik allaffissornermillu ilinniartunut qulinut ilinniartuuteqarnissamut amerlassusiligaanikuuvoq, Sisimiuni Maniitsumilu akuersissutit apequtaallutik agguvaqqallutik.

IT supporterit ilinniartut Sisimiuni ataaseq Maniitsumilu ataaseq.

Ingerlariaqqiffiusumi, qaffasinnerusumillu ilinniartut, Qeqqata Kommuniani suliffimmik misiliinissaminnut periarfissaqassapput. Ukiumut ilinniartunik atorfinitsitsinissamut, Sulisoqarnermut immikkoortortaqaqarfimmi pisorta q pingaarnertut akisussaasuuvoq.

Qeqqata Kommuniani ilinniartut ilinniarneri Sulisoqarnermut immikkoortortaqaqarfimmi siunnersortimit ataqaatigiissaarneqarlutillu malinnaavigineqartarput.

Ilinniartut ullormi siullermi suliarturnerini Sulisoqarnermut immikkoortortaqaqarfik ilisaritsitsilluni ataatsimiisitsinermi tikilluaqqusisarpoq, ukiumullu sisamariarluni paasissutissiilluni ataatsimiisitsisarluni.

Qeqqata Kommuniani niuernermi allaffissornermillu ilinniartoqarneranut anguniagaq tassaavoq, suli-sunik naleqarluinnartunik pilersitsinissaq. Ilinniartut ilinniarnerminni sulissarisartagaasigut sulineq atuagarsornerlu ataqaatigiimmata, ilinniarnerat atuagarsornermik suliffimmillu misiliisarnermik imaqaqpoq.

Suliffimmik misiliisarnarit pilersarusiornerisigut, ilinniartut ataasiakkaat soqutigisaat Qeqqata Kommunianit eqqarsaatigineqartarput. Suliffinni allani suliffimmik misiliinissaq aaqqissuunneqarsinnaavoq.

Ilinniarnissamut piumasarineqartut saniatigut, politikikkut allaffissornermillu suleqatigiinnermik kiisalu ingerlatsiviit qanoq ataatsimuulersitsisarnerinik paasinninnissamik, Qeqqata Kommunia suliffeqarfiup iluani ingerlatsinermi aaqqissuussisarpoq.

Ataasiakkaat piginnaasaannut soqutigisaannullu tulluunnerusunik qaffasissumik siunissami suliaqarsinnaanissaat anguniarlugu ilinniartut ilinniaqqinnissaannut kajumilersitsinissaq sulissutigineqarpoq. Qeqqata Kommuniata ilinniartuutimi ilinniarnermik naammassinnereeraangata atorfinitsitsinissaq pingaartippaa.

Immikkoortortani tuliuttuni Qeqqata Kommunia suliffinnik misiliinissamut ilinniartiqaqarfitsarnissamut peqataapput:

- Niuernermik Allaffissornermillu ilinniarfik
- IT supporterinngorniarfik
- Nutserisunngorniat
- Saviminilerinermik Ilinniarfik
- Inuussutissalerinermik Ilinniarfik
- Isumaginninnermi ikiortinngorniarfik, peqqissaanermi ikiortinngorniarfik
- Teknikkikkut assistenti
- Sanaartornermi Ilinniarfik
- Issittumi Ingeniørinngorniarfik

Kikkulluunnit Qeqqata Kommuniani suliffimmik misiliinissaminnik qinnuteqarsinnaapput, qinnuteqartulli Qeqqata Kommuniani najugallit salliutinneqassallutik.

Suliffimmik misiliinissamut inissaqarnissamut, ilinniarnissamut tiguneqarnissamik akuerisaasimanissaq piunasaqaataavoq. Ilinniartunik ilinniaqqittunik aammalu qaffasinnerusumik ilinniartunik tigusinissamik aammalu suliffimmik misiliinissaanissaannik periarfissiinissamut Qeqqata Kommunia imminut pisussaafilerpoq.

Qinnutigalugu soraarnuteqarneq

Soraarnuteqarnissamut qinnuteqaat qaninnertut aqutsisumut nassiunneqassaaq.

Qinnuteqaat innersuussutitalerlugu sulisoqarnermut immikkoortortaarfimmut aqutsisumit ingerlateq-qinneqassaaq. Sulisoqarnermut immikkoortortaq qinnuteqaammik figusisimanermut uppersaalluni qinnuteqartumut allakkamik nassiussissaaq.

Qinnuteqaat pillugu Sulisoqarnermut immikkoortortaarfik Akissarsialerivimmut paasissutissiissaaq, matumani soraarnissap ullua ilanngullugu. Atorfeqarninni isumaqatigiisummi atuuttumi soraarnuteqarnissamik piffissaliussat naapertorlugit, soraarniut Qeqqata Kommunianit suliarineqassaaq.

Piaarnerusumik soraarnissamik kissaateqaruit, immikkoortortap/suliffeqarfiup suliassaanut akornutaanngippat sapinngisaq naapertorlugu akuersaarneqassaaq.

Sulisup suliunnaartussap nutaamik suliffitaarneranut kissaataanut attuumassuteqarsinnaavoq.



Soraarnissamut atatillugu oqaloqatiginnineq

Sulisuq atorfimminit soraarniutilik, soraarnissaanut atatillugu oqaloqatigineqarnissaanik neqeroorfigineqassaaq.

Oqaloqatigiinnissaaq atorfimminit soraarniutilimmut Qeqqata Kommunionullu iluaqutaassaaq.

Sulisup atorfeqarnini ataqqaqinartumik naggasersinnaavaa, taamatullu sulisup atorfeqarnini qanoq misigisimaneraa suliffeqarfik paasisaqarsinnaalluni.

Soraarnissamut atatillugu sulisup oqaloqatiginnikkusunnerluni nammineq aalajangissavaa.

Taamatuttaaq qaninnertut aqutsisoq/pisortaq imaluunniit Sulisoqarnermut immikkoortortaarfik oqaloqatigineqassanersoq sulisup nammineerluni aamma aalajangersinnaavaa.

Ukiut

Qeqqata Kommunioni sulisup ukiui apeqqutaallutik, kingusinnerpaamilli sulisup 70-iliinerani suliunnaarsinneqartarpoq, isumaqatigiissutit atuuttut naapertorlugit.

Sulisup siusinnerusukkut pensionernissaminik kissaateqaruni, sulisup tamanna nammineq iliuuseqarfigisavaa.

Utoqqaliarsaartunut malittarisassat

Kalaallit Nunaanni ullumikkut suliffeqarnermi ingerlariaatsit imminnut assortuuttut marluupput.

Aappaata sammivigivaa, sulisut amerlasoorpassuit sulisartutut ingerlanerminnik unitsitsinissamik kissaateqarmata, peqqissuttip ajuunngikkallarnerani suli utoqqalivallaartigatik arlaannik iliuuseqarnissamik siunertaqarlutik.

Aappaata sammivigivaa, innuttaasut utoqqaanerulersarput, piffissamilu sivisunerusumi sulisartuunerminnik ingerlatitsiinnarusullutik kissaateqarlutik. Qeqqata Kommuniata kissaataasut marluusut isiginia-rusuppai kisianni kommunip kajumissaarutigivaa, suliffeqarfimmi sulisuusut piukkunnaatillit sapinngisamik sivisuumik paariinnarneqartarnissaat.

Suleqataasooq 60-inik amerlanerusunilluunniit ukiulik tassaavoq suleqat utoqqaliarsaartooq aammalu anguniarneqarpoq, suleqatip Qeqqata Kommunionut attaveqarnera pigiinnarneqassasoq, tassami suleqat tamaviaarluni ullorlu tamaat sulisarmat illuatungeriillu tamanna marluullutik iluaqutigisarmasuk.

Ullup affaa atorfinitsitsisarneq aammattaaq eqqartorneqarsinnaavoq. Suleqatinut utoqqalinersiaqalereetussaagaluartunut atorfinnut oqinnerusunut akissarsiakinnerusunullu piffissami killilikkami (ukioq ataasiakkaarlugu) atorfinitsitsinermut atugassaasunik isumaqatigiissuteqarneq.

Utoqqaliarsaartunut politikkimut nalinginnaasumik ilusiliinermik saqqummiussisoqarsinnaanngilaq, tassa utoqqaliarsaartut eqimattakkaat assigiinngitsut amerlammata assigiinngitsunik sulinermi atugassaqartitaasunik aamma oqaatigineqareersutut suliffeqarnermini ingerlaannarnissamik kissaateqartunik.

Taamaattumik sulisoqarnermut immikkoortortaq suleqatigalugu utoqqaliarsaartunut politikkimut si-naakkusersuinissat sularinissaat, ingerlatsiviit illulluunniit avataani immikkoortortat ataasiakkaat isumagisariaqarpaat.

Suleqatinut 55-it sinnerlugit ukiulinnut, sulisunik ineriartortitsilluni ukiumoortumik oqaloqatiginninnermi sammisat tullinnguuttut tamatigut ilaatinneqartariaqaraluarput:

- Soraarnerussutisiaqalernemi atugassarititaasut il.il. pillugit aningaasaqarnikkut siunnersorneqarneq
- Sulinermi pilersaarut
- Sulisartuunermiit soraarnerussutisialittut atugaqalernissamut ikaarsarneq

Sulisunik/aqutsisunik ineriartortitsilluni oqaloqatiginninnerit saniatigut, sulisoqarnermut siunnersorti peqatigalugu apeqqutit utoqqasaanut tunngasut oqaloqatigiissutiginnissaannik sulisut neqeroorfingineqassapput.

Soraarnerussutisiat

Kalaallit Nunaanni Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq Qeqqata Kommunianit malinneqarpoq.

Pensionit pillugit aaqqiissuteqartoqassappat, tamanna Isumaqatigiissutit atuuttut naapertorlugit pilersinneqassaaq.

Qeqqata Kommuniani sulisut qaammammi 67-inik ukioqalerfimmi (2021-mi kingullermi allanngortinneqartoq) naanerani, allamik isumaqatigiissuteqarsimangikkaanni suliunnaartarput.

Sulisuq siusinnerusukku soraarnerussutisiaqalernissaminik kissaateqaruni, allamik isumaqatigiissuteqartoqarsimatinnagu, sulisup tamanna nammineq iliuuseqarfigissavaa.



Sulisorinniinnarnissaq

Akissaatinut tunngatillugu

Qeqqata Kommuniani aningaasaqarnermik aqutsinissamut malittarisassat kinguneraa, ukiup tullianut missingersuutissanik akuersissuteqarnermi kommunalbestyrelsi sulisoqarnermut takussutissiamik akuersissuteqarneranik.

Sulisoqarnermut takussutissiap allangortinneqarnissaanut ilassutitut aningaasaliissuteqarnissamik pisariaqartitsivoq, tamannalu aningaasaliissuteqarnermut malittarisassat naapertorlugit kommunalbestyrelsimit taamaallaat aalajangiiffigineqarsinnaavoq.

Sulisoqarnermut takussutissiaq minnerpaamik ukuninga imaqaassaaq:

- Atorflup taaguutaa
- Isumaatigiissuteqarfigineqarnera
- Piffissami tamakkiisumi atorfitsigut amerlassusiliinerit
- Ukiumi missiuteqarfiusumi akissaatitigut aningaasartuutit naatsorsorneqartut

Atorfiit immikkoortuini tamani atorfiit akuersissutaasut pioreersunut sulisoqarnermut takussutissiaq takussutissiivoq. Amerlassusiliineq taanna kommunalbestyrelsimit aalajangiinertaqanngitsumik allangortinneqarsinnaanngilaq imaluunniit qaangerneqarsinnaanngilaq.

Suliassat tigussaasut sulisullu ilinniarsimanera pingaarnertut tunngavigalugit, Isumaatigiissutit aallavigalugit akissarsiassat aalajangersarneqartarput. Atorfinitsitaanermut atatillugu akissarsiat atorfeqarnermilu atugassarititaasut atorfininnermi isumaqatigiissutitigut isumaqatigiissutigineqartarput.

Kalaallit Nunaanni Danmarkimiluunniit aningaaserivimmuut ikisiffiusussatut sulisumit kissaatigineqarnerat naapertorlugu, akissarsiat ikineqartarput.

Qaammammusalinnut akissarsiat, qaammatip ulluani kingullermi atorneqarsinnaanngorlugit ikineqartarput. Akunnermusialinnut akissarsiat, akissarsisitsivissami tallimangornermi atorneqarsinnaanngorlugit ikineqartarput.

Akissarsiassat kinguaattooruteqarpata, ullormi akissarsiffiusussami akissarsiassaagaluit annertoqataanik siumut tunniussisoqarsinnaavoq.

Sulilerlaanut akissarsiffimmi atorfinitsitaanermi allakkat naammassineqanngippata, Sulisoqarnermut imikkoortortamit Akissarsialerivimmuut siumooruteqarnissaq pillugu nalunaarutiginnittoqassaaq.

Akunermusialinnut sulisimanermut uppersaatiit sulisunut akisussaasumit kingusinaartumik tunniussisoqarsimappat, akunnermusialinnut siumooruteqartitsisoqassaaq. Pisumi tassani akunnerni sulisimanermut uppersaatiit piffissaq eqqorlugu sooq tunniunneqarsimannginnerinik

aqutsisuusoq nassuiaateqarnissamik qinnuivigineqassaaq. Tamakku saniatigut akissarsianut siumoorutiniq tunniussisoqarneq ajorpoq.

Qaangiuttoornissaq siumut nalunaarutigineqassaaq, suliartoqquneqaratarsinnaanermut tapisiaqartut aqutsisullu akornanni suliartoqquneqaratarsinnaanerup atorneqarnissaa isumaqatigiissutigineqassaaq. Sapinngisamik qaangiuttoornerit pinaveersaarneqassapput, qaangiuttoortoqartilluguli taarsiulugu sulinngiffeqartitsineq atorneqassalluni.

Qaangiuttoornernut taarsiullugu sulinngiffeqarnerit, sulisup atorfininnerani isumaqatigiissutaani atugassarititaasut naapertorlugit pisassaaq, qaninnertullu pisortarisaq isumaqatigiissuteqarfigineqartasalluni. Meeqqat atuarfini ilinniartitsisunut malittarisassat immikkut ittut atuupput.

Piumaffigineqarluni annertunerusumik sulinerit, akissarsiaqaatigineqassapput.

Akissarsiat pigiinnarlugit sulinngiffeqarneaq

Ullormi ataatsimi akissarsiat pigiinnarlugit sulinngiffeqarneaq sulisunut ajunngitsorsiassatut isigineqassaaq, akisussaasutullu pisortarisap siumut isumaqatigiissuteqarfigineratigut tulliuuttunut atugassaalluni:

- Atorfininnermut atatillugu inissatut innersuunneqartumut nutsernermi kiisalu inigisap qimanneqarnerani
- Nammineq katinnermi, qitornalluunniit katinnerini
- Nammineq 25-nngortorsiorluni, 50-inngortorsiorluniluunniit katiffissiornermi
- Nammineq 25-nngortorsiorluni, 40-nngortorsiorluni 50-inngortorsiorluniluunniit nalliuttorsiornermi
- Nammineq 50-iliilluni, 60-iliilluniluunniit inuissiornermi

Sulisorisap atorfeqartitaanerani isumaqatigiissutini ersarissumik allassimappat, imaluunniit aningaasaqarnermut ataatsimiititaliamut qinnuteqareernikkut sulinngiffeqarnissaq akuersissutigineqarsimappat, taaneqareersut saniatigut akissarsiat pigiinnarlugit aatsaat sulinngiffeqartoqarsinnaavoq. Tamanna akisussaasutut pisortarisamut isumaqatigiissutigineqassaaq. Sulisup qanigisaasa perulunnerini aamma / imaluunniit toqukkut qimagunnerini ilisaanerinilu akissarsiat pigiinnarlugit sulinngiffeqartoqarsinnaavoq.

Nalliuttorsiornerit

Nalliuttorsitigineqassaguit, kommunimi ukiuni 25-ni, 40-ni imaluunniit 50-ini atasuinnarmik sulisimasfaatit. Taamaalliluni suliffeqarfinit Qeqqata Kommunianut atasunit atasimasunilluunniit taamaallaat ukiunik suliffigisimasanik katersisoqarsinnaavoq.

Ukiunik 25-nik, 40-nik 50-inillu nalliuttorsiornermi sulinngiffeqarnerup saniatigut aningaasanngorlugu tunissuteqartoqartarpoq, 4.000 koruuniusunik, 5.000 koruuniusunik 6.000 koruuniusunilluunniit (tunngaviusumik akit 1. april 1991-imeersut).

Sulisup nalliuttorsiornerissani pillugu Qeqqata Kommunian nammineerluni nalunaarfissavaa.

Sulisut peqatigiinnerat

Sulisut peqatigiinnissaannut 200 + 120 koruunit = 320 koruuninik sulisumut ataatsimut tapiissuteqartoqarsinnaavoq. Aningaasaliissutit 200 koruuniusut suliffeqarfiit ataasiakkaat missingersuutaasigut immikkoortinneqassapput

taakkulu soorlu suliffiup avataani arpalluni timigissarnernut, qaqqamut pisuttuarnernut il.il. peqqinnerunissamut tunngatillugu suliniutinut atorpeqarsinnaallutik.

Aningaasaliissutit 120 koruuniusut sulisut ataatsimuualaarnerinut soorlu sisorarfissiornermut, juullimi nereqatigiinnermut, juullimut qiortaaneremut, ukiortaarsiornermut assigissaanullu missingersuutini immikkoortinneqassapput.

Aningaasat sumut atorpeqarsimaneri pillugit suliffeqarfiit ataasiakkaat uppernarsaammik ukiut tamaasa nassiussisassapput. Aningaasaliissutit sumiiffimmi AMO-mit nakkutigineqassapput.

Sulisunut ilassinninnernut il.il. atatillugu kommunip tapiissuteqarnerinut malittarisassat

Illassinninnernut, nalliuttorsiornermut assigissaanullu atatillugu ilaqutaasut qaninnerit, suleqatigisat qaninnerit, suleqatit qaninnerit aammalu suliffimmi aqutsisut pisortallu aggersarneqartarput.

Ukiunik 25-nik, 40-nik 50-inillu nalliuttorsiornermut inummut ataatsimut annerpaamik 100,00 koruuninik tapiissuteqartoqarsinnaasoq, soorlu inuit 20-t peqataappata annerpaamik 4.000,00 koruuninik atuisoqarsinnaavoq.

50-inik imaluunniit 60-inik ukioqalerluni inuuissiornermi, pisortaaqatigiit akuersissuteqarnerisigut ilasseqatigiinnermik ingerlatsisoqarsinnaavoq. Immikkut pisoqartillugu pisortaaqatigiit akuersissuteqarnerisigut ilasseqatigiinnermik ingerlatsisoqarsinnaavoq.

Sulisunut tunissutissanik pisinermi tullinguuttut atuupput:

1. 50-inik ukioqalerluni inuuissiornermut tigussaasumik nalileereernermi 500,00 koruuninik nalilimmik.
2. 60-inik ukioqalerluni inuuissiornermut tigussaasumik nalileereernermi 500,00 koruuninik nalilimmik.
3. Ukiut pingasut sulereerluni soraarnermi 300,00 koruuninik nalilimmik.
4. Ukiut qulit sulereerluni soraarnermi 500,00 koruuninik nalilimmik.
5. Ukiut 15-it sulereerluni 800,00 koruuninik nalilimmik.
6. Ukiut 20-t sulereerluni 1.000,00 koruuninik nalilimmik.

Sulinngiffeqarneq

Kalaallit Nunaanni sulinngiffeqarneq pillugu inatsit naapertorlugu sulinngiffeqarnissat katersorneqarlutillu atorpeqartarput.

Nalinginnaasumik siullermik sulinngiffeqarneq Qeqqata Kommunianit akissarsiaqarani ingerlanneqartarpoq.

Sulilersutut nutaatut, suliffigisimasannit sulinngiffeqarnermi akissarsiassat sulinngiffeqalernermi tigusinnaaqullugit, sulinngiffeqarnissamut tunngasut suliffigisimasamit atsiorneqarsimanissaat nammineerlutik isumagisassaraat.

Akiliunneqarluni sulinngiffeqarnermi angalaneq

Akiliunneqarluni sulinngiffeqarluni angalaneq – Qeqqata Kommunianit akilerneqartussa – Sulisoqarnermut immikkoortortamut inniminnerneqartassaaq.

Akissarsiaqaatiginagu sulinngiffeqarneq

- Sulisup qaninnertut pisortaminut akissarsiaqaatiginagu sulinngiffeqarnissamut qinnuteqaatini nassiu-tissavaa, tullinguuttutigut tunngavilersorneqarsinnaavoq:
- Angajoqqaamik, uimik/nuliamik qitornarmilluunniit peruluttumik paarsinissamut sulinngikkallarnek
- Sivisunerusumik sulinngiffeqarnissamik qinnuteqarneq katissimasatut aapparisaq nalinginnaasumit sivitsukkamik sulinngiffeqarnissaa pissutigalugu.
- Pikkorissarnernut, ataatsimiinnissamut assigisaannullu, suliffimmuttunnganngitsunut, suliffeqarfiup avataani pisussamut peqataaneq.
- Timersortartuulluni aqutsisuullunuunniit timersornermi il.il. peqataanissami

Sulinngiffeqarallarnek (aningaasarsiaqarani sulinngiffeqarneq)

Sulinngiffeqarallarnerit (orlov-it) nalinginnaasumik qaammammik ataatsimiit qaammatinut aqqaneq marlunnet sivissuseqartut akuersissutigineqartarput.

Sulinngiffeqarallarnerup sivitsorneqarnissaa pillugu kissaateqarnermi, qinnuteqaammik nutaamik nassiussoqassaaq. Sulinngiffeqarallarnerissamut naatsorsuutaasoq tassaavoq, suliffeqarfiit/ ingerlatsiviit taasarialimmik akornuteqaratik ingerlaannarnissaat.

Piukkunnaatilimmik paarlattaasussamik atorfinitsitsisoqarsinnaaniassammat allakkatigut sulinngiffeqarallarnerissamik qinnuteqaat immikkoortup pisortaanit Sulisoqarnermut immikkoortortamut piffissaagal-lartillugu nassiuunneqassaaq.

Sulinngiffeqarallarnerissamik qinnuteqaat akuersissutigineqarpat, Qeqqata Kommuniata sulinngiffeqarallarnernermit uternermi Kommunimi tulluurtumik atorfissaqartitsinissaaq qulakkeerinnissutigissavaa.

Atorfigisimasamut imaluunniit suliffeqarfimmut sulisoq utersinnaanersoq neriorsuutigineqarsinnaanngilaq. Malittarisassat uku taartaasunut ilinniartunullu atuutinnngillat.



Tunissutissat

Qeqqata Kommuniani sulisut sulinerminni avataanit soqutigisanut attuumassuteqanngillat. Taamaatumillu sullitanit, sulinermut attaveqaatinut assigisaannilluunniit tunissutinik, kingornussanik il.il. tigusinisaq nalinginnaasumik akuerisaanngilaq.

Innuttaasunut aningaasanik atorniaqqusaanngilaq.

Nalorniguit qaninnertut aqutsisut/pisortat attavigiuk.

IT-mik atuineq

Qallunaat nalunaarsornissamut inatsisaat Kalaallit Nunaannut atuuppoq, taamaallillunilu aamma Qeqqata Kommunianut atuulluni.

Kommunimi IT-mik atuineq aaqqissuussaanikkut aningaasaqarnermut immikkoortortap ataani inissismavoq.

Innuttaasunut ataasiakkaanut tunngatillugu paasissutissat atornerlunneqannginnissat qulakkeerniarlugu, isumannaallisaanikkut isumaginiagassanik eqqumaffigisassaqqarpoq:

- Susassaqqanngitsunit atuarneqarsinnaajunnaarlugit qarasaasiat skærmii inissinneqassapput
- Isissutissaq inummut namminermt attuumassuteqarpoq, allanullu isertugaalluinnarluni.
- Qarasaasiap skærmia qimannerani, sivikitsumilluunniit, skærmii tullinnguuttutigut parnaarneqassaaq: Ctrl/Delete, tamatuma kingorna "lås computeren" toqqarneqassalluni. Skærmip parnaarsimanera nalinginnaasumik isissutissap allanneratigut ammarneqarsinnaavoq
- Sulisut ataasiakkaat sulinerminnut atatillugu pisariaqartitaminnut taamaallaat isersinnaatitaapput.

"Opslag" aammalu intranetsip ataani paasissutissanut inissisimasunut sulisut tamarmik isersinnaapput. Sulisut internetsimik e-mail-imillu pingaarnertut atuinnissamut malittarisassat:

- Internetsi aamma e-mail sulinerup nalinginnaasup nalaani suliamut tunngassutilinnuinaq atornerqarsinnaapput.
- Sulinerup nalaani nammineq inuttut internetsimik e-mailimillu atuineq mianersoqqusummik il.il. kinguneqarsinnaavoq.

Internetsimik e-mailimillu atuinermt immikkut malittarisassaqqarpoq. Datatilsynip aalajangiinera naapertorlugu, sillimaniarneq eqqarsaatigalugu kommunimi qarasaasiatigut atuineq pillugu nalunaarsuinnissaminik Qeqqata Kommunian imminut pisinnaatippoq.

Inunnut paasissutissat pillugit inatsit

Inunnut paasissutissat pillugit inatsit oktober 2016-imi atuutilerpoq. Inunnut tunngassuteqartut inatsit malillugu suliarineqassapput, paasissutissanut inunnut tunngassutilinnut susassaqaanngitsut isersinnaas-sanngimmata.

Qeqqata Kommunia inunnut paasissutissat pillugit immikkut malittarisassaqaarpoq, tamanna intranetsi-mi atuarneqarsinnaavoq:

[Una ammarlugu](#)

Paasissutissiisarnermi isumannaatsuunissamut politikki

Qeqqata Kommuniata paasissutissiisarnermi isumannaatsuunissamut politikkiat tassaavoq isuman-naattuunissamut tunngavissarput aammalu paasissutissiisarnermi isumannaatsunerup suussusaanik ataatsimoortumik paasinninnerisarput.

Paasissutissiisarnermi isumannaatsuunissamut politikki anguniakkatta qaffasissusaannik aalajangersaa-voq isumannaallisaanermilu suliniutinut sinaakkusiisuvoq pisariaqartumik malinneqarta-

riaqartuusunik, uagut kommunitut inatsisitigoortumik piumasaqaataasunik naammasinninnissamik pitsaanerpaamillu suliarinnissamik eqquutsissagutta.

Qeqqata Kommunia paasissutissiisarnermi isumannaatsuunissamut politikkeqaarpoq, tamanna intra-netsimi atuarneqarsinnaavoq:

[Una ammarlugu](#)

Suliffimmi oqarasuaat, namminerlu oqarasuaat angallattagaq

Suliffimmi oqarasuaat sulinermut atassuteqaanngitsunut atorneqaqqusaanngilaq. Pisariaqarfinili, asser-suutigalugu peqqissaavimmu kigutileriffimmulluunniit inniminniiniartilluni imaluunniit qanigisap napparsimaneranut atatillugu sivikitsumik atorneqarsinnaalluni.

Oqarasuaat angallattagaq nammineq pigisaq qanigisamik napparsimasoqartinnagu sulinerup nalaani oqaluussinernut, SMS-inut internetsissutigaluguluunniit atoqqusaanngilaq.

Sillimmasiinerit

Qeqqata Kommunia Kommune Forsikringimi sillimmasigaavoq. Nalornissuteqaraanni aningaasaqar-nermut immikkoortortami tamakkuninnga suliaqartoq saaffigineqarsinnaavoq.

Sulinerup nalaani, sulisut tamarmik kommunip sulinermi ajoqusersinnaanermut sillimmataanut sillimma-sigaapput. Sillimmasiinikkut timikkut ataavartumik innarlerneq, toqukku qimagunneq, kiisalu timikkut atortorisat matumani isarussat ilanngullugit sillimmasigaapput.

Angalanerni suleqataasut tamarmik, suliffiup sillimasiissutaanik sillimmasigaapput. Kalaallit Nunaata Qallunaat Nunaatalu avataanut angalanerni, angalanermut sillimasiinerit allagartmik Qullersaqar-fiup allattoqarfianut piniartoqarsinnaavoq.

Qarasaasiakku sulinermi isarussat

Allaffissornikkut sulisoq ulluinnarni qarasaasiaq atorlugu sulisuusoq, isarusserisumit nalunaarfigineqarnikkut isarussat sinissaannut 700 koruuninik kiisalu isarussat isitaannut 500 koruunimik, tassalu katillugit 1.700 koruunimik tapiffigineqarnissamut qinnuteqarsinnaavoq.

Skærminut isarussanut isit misissortinnissaanut immersugaq aqutsisumit akuersissutigineqarsimassaaq, taanna intranettimi figuneqarsinnaavoq. Skærminut isarussanik utertitsinissaq sulisup aqutsisorisaanit akuersissutigineqassaaq.

Skærminut isarussat pillugit aningaasartuutit tamaasa sulisup nammineq akilissavai. Tamatuma kingorna aningaasartuutinit utertitassat Sulisoqarnermut immikkoortortamut nassiunneqassapput, taassumalu tapiissutit qulaani pineqartut utertinnisai isumagissavai.

Atugaqartitaanerit akeqanngitsut

Sulisitsisumit sulisumut akeqanngitsumik biileqartitsinermut, akeqanngitsumik angalatitsinermut, akeqanngitsumik oqarasuaateqartitsinermut, akeqanngitsumik internetseqartitsinermut, akeqanngitsumik nerisaqartitsinermut, akeqanngitsumik inisimatitsinermut aammalu akeqanngitsumik najugaqartitsinermut akileraartarnermut aqutsisoqarfiup nalunaarutaa takuuk.

[Akileraartartunut paasissutissiissut \(aka.gl\)](http://aka.gl)



Napparsimaneq / sulinnginneq

Napparsimaneq

Napparsimanerup sulinnginnerullu ammasumik oqallisigineqartarnissaa, Qeqqata Kommuniani napparsimanermi sulinnginnermilu politikkiatigut anguniarneqarpoq.

Sulisoq tapersersussallugu isumagissallugulu, ilutigalugulu inatsisit malittarisassallu atuuttut malissallugit kommunip kissaatigivaa. Siunertaasoq naammassiniarlugu sulisut sapinngisamik piaarnerpaamik sulinnginnermik kinguneqartitsisinnaasunik ajornartorsiutinik aqutsisuminut erseqqissaanissaa naapertuuppoq.

Oqaloqatiginninnikkut ajornartorsiutit qaangernissaannut qanoq ikiuisoqarsinnaaneramik aqutsisoq ersarissaanissaminut pisussaaffeqarpoq.

Piffissap sivikitsup iluani sulinngitsoortoqarsimatillugu oqaloqatiginninneq

Sulisup oqaloqatiginissaanut pisariaqartitsisoqarnerisooq aqutsisoq naliliissaaq.

Qaammatit pingasut iluini sulisoq ullut qulit napparsimalluni sulinngitsoorsimappat, sulinngitsoornermut sulinermut imalunnit pissutsit allat patsisaaqataanersut qulaajarniarlugu aqutsisup sulisoq oqaloqatiginissaanut aggersaassaaq. Peqqutaasoq apeqqutaatillugu qanoq iliorluni aaqqiisoqassanersooq siunissamilu iliuusissat suliarineqassapput.

Ataavartumik sulinngittoqartillugu oqaloqatiginninneq

Sapaatit akunnerini marlunni atasuinnarmik sulinngitsoortoqartillugu aqutsisoq sulisumik oqaloqatiginninnissamik neqerooruteqassaaq. Sulisup inissisimaneranik ersarissaanissamik kiisalu sulinnginnissamik qanorlu sivisutigisumik napparsimanissamik naatsorsuutigisanut iliuusissamik pilersaarusiortiginissaa, oqaloqatiginninnerit marluusut siunertaraat.

Sulisup siusinnerpaamik suliffimmut uternissaanut periarfissat qulaajarniarlugit aaqqiissutissatullu siunnersuuteqarnissaaq siunertaralugu oqaloqatiginninneq ingerlanneqassaaq.

Allamik isumaqatigiissuteqartoqarsimanngippat, ulloq taanna kingusinnerpaamik suliarorfissaagaluartup nallernerani suliffimmi qaninnertut aqutsisumut napparsimaneq nalunaarutigineqassaaq.

Napparsimanermi nakorsap uppernarsaataanik tunniussinissamik aqutsisoq piumasaqartinnagu, nakornap uppernarsaataanik tunniussisoqartassanngilaq.

Piffissami sivisuumi/akulikitsumik napparsimaneq

Sulisoq piffissami sivisortumi napparsimasimappat, akulikitsumilluunniit napparsimasarpat soraarsinneqartariaqalersinnaavoq.

Taakkuli arlaannaalluunniit taamaattussaannartut isigineqassanngillat.

Sulisup iluatigineqartup sulisoriinnarnissaa anguniarlugu, soorlu suliffiup iluani allamut nuutsitsinikkut,

suliffiup sivikillineratigut imaluunniit sulinermut atugassarititaasut allanngornerisigut periarfissat suuga-
luilluunniit aqutsisumit nalilersorneqartuaannassapput.

Peqqissinissamut imaluunniit suliamik allamik naleqquttumik tiguisinnaanermut periarfissat tunngavi-
galugit nalilersuilluareernikkut, napparsimanermik tunngaveqarlutik soraarsitsisoqartarpoq.

Ullut 120-t pillugit aalajangersagaq

Ullut 120-t pillugit aalajangersagaq, Qeqqata Kommuniani sulilernermi isumaqatigiissutini tamani im-
mikkut isumaqatigiissutigineqartarpoq. Aalajangersagaq naapertorlugu, qaammatini imminnut ma-
littuni aqqaneqmarlunni katillugit ulluni 120-ni napparsimallutit akissarsiaqarsimaguit, qaammammik
ataatsimik sioqqutsisumik ilimasaarneqarlutit qaammatip naaneranut soraarsinneqarsinnaavutit.

Ullut 120-t qaangiunnerinut atatillugu soraarsitsinissaq pissaaq, tamannalu sulii napparsimatillutit pissal-
luni.

Qitornap ulloq siulleq napparsimanera

Meeqqap ukiukitsup napparsimanerani paarinissaanut ulloq siulleq ulloq naallugu ullulluunniit ilaan-
naa sulinngiffeqartitsisoqartarpoq.

Sulinngiffeqarnissamut piumasaqaataavoq:

- Meeqqap napparsimanerani ulloq siulliussasoq
- meeqqap atugarisai pissutigalugit tamanna pisariaqarpat,
- suliffigisami pissutsit tamanna ajornartinngippassuk, aamma
- meeraq angerlarsimappat.

Qitornap napparsimanerani ulloq siulleq sulinngiffeqarsinnaatitaaneq atorneerlunneqarpat, sulisorisa-
mut atorneerluisumut sulinngiffeqarsinnaatitaaneq atorneqarsinnaajunnaarsinneqarsinnaavoq. Up-
pernarsaat immersorneqartuaannassaaq.

Ernereerluni sulinngiffeqarneq

Inatsisartut peqqussutaasigut anaanaasunut ataataasunullu qitornartaareernermi sulinngiffeqarner-
mut malittarisassat aalajangersarneqarnikuupput.

Naartunermi, erninermi meeravissiarthaarnermilu sulinngiffeqartarneq ullormusiaqartarnerlu pillugit
apeqqutit Innuttaasunik Sullivimmut, Akissarsialerivimmut imaluunniit Sulisoqarnermut immikkoortorta-
mut innersuussutigineqartarput. Inatsisartut peqqussutaat naapertorlugu piffissaliussap iluani naartu-
neq ernivissatullu naatsorsuutigineqartoq qaninnertut pisortamut nalunaarutigineqassapput.

Uippakajaarnermi

Uippakajaarnermi pillugu Qeqqata Kommunia quppersakkamik suliaqarnikuuvoq.

Uippakajaarnermi pillugu quppersakkap ilaatigut manna siunertaraa:

- Ass. SN aqutugalugu uippakajaarnermi nassuiarneqassasoq suussusersineqarlunilu.
- Sulinermit attuumassuteqartumik uippakajaarnermi pinaveersaartinneqarnissaat.
- Uippakajaartoqalissagaluarpat qanoq iliuuseqarfiginissaanut maleruagassaliorneq.
- Sulisup uippakajaarsimasup suliffimmut uternerani suliffimmi qanoq iliuuseqartoqarnissaannik ersarisumik isumaqatigiissusiorneq.

Uippakajaarnermi quppersagaq takuuk.

Toqusoqarneq / peruluttoqarneq

Sulisorisat ilaqtaminnik qanigisaminnik peruluttoqartillugit kiisalu/imaluunniit toqusoqartillugu ilisioqartilluguluunniit qinnuteqarnermikkut akiliunneqarlutik angalasinnaapput suliffimminniilluunniit sulinngiffeqarsinnaapput Kalaallit Nunaanni Qallunaat Nunaanniluunniit peruluttup toqusulluunniit napparsimmavimmi uninngavianut il.il. najugaqarfianut uterlugulu, sulisorisamut isumaqatigiissutitigut tamanna periarfissaqartitsippat.

Tjenestemandit funktionærillu eqqarsaatigalugit pingaarnertut malittarisassaalluni pisinnaatitaaffik tamanna atorfininnerminniit pigilertarpaat. SIK-p isumaqatigiissutai malillugit qaammammusiallit akunermissiillilu atorfininnerminni imaluunniit qaammatit pingasut atorfeqareernerikkut taama pisinnaatitaaffeqalertarlutik. Isumaqatigiissut takuuk.

Qanigisap perulunneranut imaluunniit toqukkut qimagunneranut atatillugu akiliunneqarluni angalanissamut qinnuteqarnermi, nakorsarmit uppersarsaat / Toqukkut qimagussimanermit uppersarsaat ilanngunneqassaaq.

Ilaquttatut qanigisatut pineqarput:

angajoqqaat, ueq/nuliaq assigisaalluunniit, qitornat qatanngutillu, uisup nuliaasulluunniit assigisaasaluunniit ilaqutaat pinnagit, tak. Grønlands Lovsamling, Serie C-1 majip 27-ni 1993-imeersoq.

Qanigisat

Angajoqqaat
Aapparisaq
Meeqqat
Qatanngutit

Assersuutigalugu inooqatigisaq pisuni assigiinngitsuni aappamut naligiissinneqarsinnaavoq, imaluunniit meeraq aanamini angajoqqaaminut taarsiullugu alliartorsimaguni tamanna pillugu malittarisassanni ilaasinnaapput.

Toqukkut qimagutinnginnermi imaluunniit perululinnginnermi ukioq kingulleq najugaqatigiissimagaanni taava inooqatitut isigineqartarput. Naartugaanni, meeraqaraanni imaluunniit meeraqarsimagaanni, taava ukiut kingulliit inooqatigiissimasariaqanngilaq.

Sakikkut ilaquttat qanigisaanngillat.



Sulisunik ineriartortitsineq

Aqutsilluarnikkut, kajumissaarinnikkut akissarsititsinikkullu sulisut nukissatut piginnaasaasa attatiinnarnissaannut ineriartornissaat pingaaruteqartutut Qeqqata Kommunianit isigineqarput.

Suliniutinut tamanut inuttut ineriartorneq piginnaasanillu attatiinnartitsineq atuuppoq.

Sulisut pisinnaasaannik, pikkorissusaannik piginnaasaannillu ineriartortitsinissamik kiisalu sulinitsigut ilik-kagassat ingerlanneqartarnissaannik anguniagaqarluni aaqqissuussaaneq ingerlatsisarpoq.

Aqutsisut sulisullu suliatiqut piukkunnaatit ineriartortinneqarnissaannik sulisunik ineriartortitsinerup siuner-taraa. Matumani sulinnikkut inuttullu piukkunnaatit pineqarput.

Sulinermi piukkunnaatit nalinginnaasut tassaapput:

- Ilinniarneq.
- Pikkorissaanerit ilinniaqqinnerillu.
- Inuussutissarsiornikkut misilittakkat.
- Inatsimmik ingerlatsinermillu attuumassuteqartunik ilisimasaqarneq.
- Attaveqaaqateqarnermik piginnaasat aammalu nammineq aaqqissuussallu ilaanni allat suleqatigalugit eqqortumik iliuuseqarsinnaanermik paasinnissinnaaneq.
- Qarasaasialerinermik ilisimasaqarluartoq
- Sulinermi piukkunnaatinik pissarsiniarnermik, attatiinnartitsinermik inerisaanermillu piginnaaneqarneq.

Inuttut piukkunnaatit nalinginnaasut tassaapput:

- Nukissat
- Nukissaqarneq tamakkiisumilu isiginnissinnaanerit attatiinnarsinnaallugit, sulinermi ulapaarfinni nikerartunilu aqutsisinnaaneq
- Siunnersiueqatitit suleqataasinnaassuseqartoq aammalu naalagaaniartuunani katersisinnaasoq
- Nammineq isummanik allannguisinnaasoq naleqquussarsinnaasorlu Aaqqissuussisinnaasoq ataqatigiissarisinnaasorlu
- Aaqqiagiingissutinik iluarsiilluarsinnaasoq.

Aqutsisut inuttut nalinginnaasumik piukkunnaatini aalajangiilluarsinnaanerit ilaavoq:

- Kajumissaarilluarsinnaasoq
- Suliassanik agguataarisinnaasoq
- Tatiginassutsimik ataqqinassutsimillu takutitsisinnaasoq

Immikkoortuni aalajangersimasuni piginnaasanut, ilisimasat, pikkoriffiit isummallu ataatsimoortillugit piukkunnaataapput. Aqutsisuni ataasiakkaani, sulisuni imaluunniit suleqatigiinni/immikkoortortami piukkunnaataasinnaapput.

Nalinginnaasumik ilinniarnikkut imaluunniit ilinniartinneqarnikkut piukkunnaatit pissarsiarineqarsinnaapput.

Sulinermi piukkunnaatit ator neqarnerasigut, inunnguusiugaluarunik imaluunniit ilikkagaagaluarunik piginnaatitsinerulertarput. Piginnaatitsinerit tulliuuttutigit isigineqartarput:

- Inuttut ataasiakkaatut piginnaatitsinerit imaluunniit
- Eqimattami piginnaatitsinerit (immikkoortortat, allaffiit)

Sulisut piginnaasatik, ilisimasatik isummatillu sulinerminni Kommunalbestyrelsip anguniagassiutaannik angusiniarnerminni atorneratigit piginnaatitsissutaat saqqummertarput.

Pisortaqarfinni kalaallit aqqqissuussaqaarfiini inuit ataasiakkaarlutik sulianik naammassinnittarnerat ikituinnaapput. Taamaattumik suleqatigiinneq pingaaruteqarluinnartuummat piginnaasatigit ineriartortitsineq eqimattakkaarluni immikkoortortakkaarlunilu ingerlannissaa naapertuuppoq.

Qeqqata Kommuniani ataatsimoorussamik pikkorissarnissamut aningaasaliisoqartarpoq, sulisullu pikkorissarnermut peqataarusuttut qaninnertut aqutsisuminnit akuerineqassapput.

Anguniagaq iliuusissatullu pilersaarutit

Aqqqissuussami qaffasissuni tamani tigussaasunik ataqatigiittunillu anguniakkanik iliuusissatullu pilersaarutitik suliaqartoqarnissaa qullersaqarfimmit qulakkeer neqassaaq.

Periusissatut anguniakkat pingaarnerit Kommunalbestyrelsimiit akuersissutigineqassapput.

Periusissatut angijakkat allaavigalugit Immikkoortortani pisortat immikkoortortanilu aqutsisut suliatigit akisussaaffeqarfimminnut ukiumoortumik anguniakkat ilaannik suliaqartassapput.

Sulisut sunik suliaqarnissaannik aqutsisut naatsorsuutaannik iliuusissatut pilersaarutit takutitsisuupput. Immikkoortortat ukiumi suliassaminik naammassinnissimaneranik iliuusissatut pilersaarutit tikkuussisutut aamma ator neqartarput.

Sulisut piukkunnassutitigit piunasaqaataasunik piginnaasaqarnissaannik aqutsisut naatsorsuutaat aamma iliuusissatut pilersaarutini allaaserineqarput.

Sulisut maannakkut piginnaasaannut pisinaatsitsinermut piunasaqaataasunut ataqatigiisinneqartarput aammalu sulisunut ataasiakkaanut aamma imaluunniit suleqatigiinnut eqimattanut inuttut ineriartortitsinissamut pisariaqartitsisoqarnerisooq nalilersuisoqassalluni.

Allatut oqaatigalugu sulisunik pisinnaatitsissutitik attuumassuteqartunik ineriartortinneqarnissaannik ingerlatsinissamut aqutsisut pingaarnertut akisussaasuupput. Piginnaatitsissutitik ineriartortitsineq oqaaloqatiginninnermik allaaveqartariaqaraluarpoq, taamaallunilu sulisut piginnaatitsinermut ineriartortinnissaannut kissaataat aammalu ator fimminni angusaqarnissaminnut pilersaarutaat ingerlatsinermi qitiutinneqartarput.

Inuttut ineriartorneq

Inuttut ineriartornissamik pisariaqartitsisutut, siunissami sulininni unamminartut nammineq qaangersinnaaniarlugit, pikkorissarfissatut takussutissiami pikkorissarfissat suunersut takusinnaavatit.

Aqutsisorisat-/pisortarisat peqatigalugu pikkorissarnerit ilinnut tulluurtut nassaarissavasi.

Sulianut tunngatillugu ineriartortitsineq

Pikkorissarfissatut takussutissiami, atorfinnut aalajangersimasunut sulianut tunngatillugu pikkorissaanerit arlaliupput. Immikoortortami aalajangersimalluinnartumik suliamut tunngatillugu pikkorissaanissat kissaatigineqarpata, Sulisoqarnermi immikkoortorta quleqatigalugu aqqissuunneqarsinnaapput.

Aalajangersimasumik suliamut tunngatillugu pikkorissarnissamik pisariaqartitsiguit imaluunniit immikkoortorta qarfik tamarmi pisariaqartitsippat, aqutsisorisannut/-ssinnut imaluunniit pisortarisannut/-ssinnut saaffiginissinnaavutit/-si, tamannalu eqqartorlugu.

SIO/AIO - sulisunik/aqutsisunik inerisaanissamik oqaloqatiginninnerit

Sulisut ineriartornissaat pillugu oqaloqatigiinnissamut ukiumut ataasiarluni qaninnertut aqutsisorisannit aggersarneqartarsinnaavutit.

Qeqqata Kommuniani atorfilittut siunissamut qanoq eqqarsaatersuuteqarnerisutit, pisortarissallu eqqartussavarsi. Ineriartornissamut periarfissannut atatillugu suut pilersaarutiginerlugit, naatsorsuutiginerlugillu eqqartuissaasi.

Minnerpaamik ukiumut ataasiarluni sulisut tamarmik SIO-mik ingerlatsisoqartarnissaa, Qeqqata Kommunianut pingaaruteqarpoq. Oqaloqatiginninnerneq tamanna Qeqqata Kommunianit pingaarutilittut isigineqarpoq, taamaattumillu sulisumit aqutsisumiillu piareersarluarneqassalluni.

Tassani illit sulisutut pitsaanerusemik sulilernissannut takorluukkatit eqqartortussaavatit.

Illit sulisutut imaluunniit illit sulisorisannik SIO-mik ingerlatsinissamut SIO-mik ingerlatsinissamut immersugassaq intranetsimi aasinnaavat.

Sulinermut atatillugu angalanerit, matumani pikkorissarnerni angalanerit ilanngullugit

Angalanerit ima aqqissuunneqartassapput, ataatsimiinnissap/pikkorissarnissap aallartinnissaanut sapinngisamik attavik kingulleq atorlugu tikiffiussalluni uternissamilu ataatsimiinnerup/pikkorissarnerup ullua kingulleq sapinngisamik attavik siulleq atorlugu aallartoqassalluni, tamatumaniilu sapinngisamik bilitsit akikinnerpaat pisiarineqartassallutik.

Taamatuttaaq unnuiffissaq uffarfilik akikinnerpaaq toqqarneqartassalluni. Angalanermut atatillugu naatsorsuusiorfik, tikinnermi immersorneqartassaaq.

Angalanerit feeriarnerup nalaani pisussatut aqqissuunneqartassanngillat.



Sullivimmi avatangiisit pillugit aaqqissuussaaneq

AMO-p siunertarivaa (Sullivimmi avatangiisit pillugit aaqqissuussaaneq Arbejds miljøorganisation), sulinermi suliatigullu pitsaasumik atugassarititaasut pigiinnarnissaat kiisalu isumannaallisaanikkut peq-qinnissakkullu kommunip suliffeqarfiutaanni tamani ineriartortitsinissaq, taamatullu sulisitsisut sulisullu akornanni ulluinnarni ataatsimoorlutik pimoorussinissaannik pilersitseqataanissaq. AMO-mi paasissu-fisseeqatigiittoqartarpoq, soorluttaaq sulisitsisup sulisullu akornanni sulisunut sulianullu tunngasutigut oqaloqatigiinnerit ingerlanneqartartut. Pisortap akisussaaffii assigalugit, killissarititaasut iluini pissutsinut taakkununga AMO aalajangeeqataasarpoq. Taamaammat illuatungeriinnit isumaqatigiissutigine-qarsinnaatillugu, killiliussat taakku iluini AMO malittarisassanik aalajangersaasinnaavoq.

AMO pingasunut immikkoortitaavoq:

Pingaarnertut ataatsimiititaliaq

Kommunimi suliffeqarfinnit tamanit ilaasortaatitaqarfiulluni, kommunimi tamarmi suliassanik sularinnit-tarpoq. Pingaarnertut ataatsimiititaliami kommunimi pisortaaneq siulittaasuuvoq.

Immikkoortortaqaqarfinni ataatsimiititaliaq

- Allaffeqarfik (Maniitsumi Sisimiunilu allaffissuit tamarmik immikkut).
- Atugarissaarnermut Immikkoortortaq, taassumalu ataani ingerlatsivinnit suliffeqarfinniillu sinniisut.
- Ilinniartitaanermut Immikkoortortaq, taassumalu ataani ingerlatsivinnit suliffeqarfinniillu sinniisut.
- Teknikkimut Avatangiisinullu Immikkoortortaq, taassumalu ataani ingerlatsivinnitsuliffeqarfinniillu sinniisut.

AMO-ataatsimiititaliaq

Qulinit amerlanerusunik sulisulinnik suliffeqarfiit. Isumannaallisaanermi sinniisussanik suliffeqarfinnit ta-manit toqqaasoqassaaq kiisalu avatangiisit pillugit inatsit naapertorlugu isumannaallisaanermi sule-qatigiissitanik pilersitsisoqassalluni.

Isumannaallisaanermi sinniisoq immikkoortortatigut AMO-ataatsimiititaliami peqataasussaatitaavoq. Pingaarnertut ataatsimiititaliami, immikkoortortaqaqarfinni ataatsimiititaliami, AMO ataatsimiititaliami aammalu AMO-mut tunngassuteqartut pillugit sulisut ataatsimiinnerini isumannaallisaanermut apeq-qutit eqqartorneqartarput.

Sulisut sinniisaat

Suliffeqarfinni tamani, isumaqatigiissut ataaseq tunngavigalugu ikinnerpaamik tallimanik sulisulinni, sinniussamik, taassumalu taartissaanik toqqaasoqassaaq. Suliffinni ataasiakkaani arlalinnik sinniisoqartilugu, apeqqutini sullivimmi sulisunut ataatsimoortumik atuuttuni, kommunimut tunngasutigut sinniissusaminnik sinniisut akunnerminni ataatsimoortumik sinniussamik toqqaasassapput.

Sulisut sinniisaata sulisitsisoq suleqatigalugu, pisinnaasani naapertorlugu eqqissisimanartumik pit-saasunillu sulinermi atugassarititaasut siuarsarnissaannut attatiinnarneqarnissaannullu pisussaaffeqarpoq. Sulisitsisoq taamatuttaaq pisussaataavoq. Sinniussat taartissallu pisortarisamut, Sulisoqarnermilu immikkoortortamut nalunaarutigineqassapput.

Suliffimmi avatangiisit

Suliffiit tamarmik atorluarsinnaasumik aaqqissugaanissaat Qeqqata Kommuniata pingaartippaa.

Atugassarititigut aningaasaqarnikkullu periarfissat ilutigalugit, sullivinni atugassarititaasutigut avatangiisit aqutsisut pitsanngorsassavaat.

Tamatuma malitsigisaanik, assersuutigalugu allaffiit nipiliornernut assiaqusersorneqarnerisigut allaffinni sulinerup eqqissisimanartuunissaa anguniarneqarpoq.

Suliffimmik nalilersuineq APV (Arbejdspladsvurdering)

Sulinermi avatangiisit pillugit inatsisitigut piumasaaqataavoq, sulinerit tamarmik sillimaniarnikkut peqqinnissakkullu tamakkiisumik illersorneqarsinnaasumik pilersaaruserfigineqassasut, aaqqissuunneqassasut ingerlanneqarlutillu. Tamatuma ilaatigut kingunerisaanik, suliffimmi isumannaallisaanermut peqqinnissamullu tunngasut nalilersuiffigineqartassapput.

Qeqqata Kommuniani isumannaallisaanermut peqqinnissamullu tunngasuni suliffimmi avatangiisitigut pingaarnertut ajornartorsiutaasut tamarmik, ajornartorsiutaasullu aaqqissuussaasumik ataavartumilluaaqqinneqarnissaannutkommunipsuliniuteqartarnissaataaqlakkeerneqarnissaa, APV-ip ingerlanneqarnissaani siunertaavoq.

APV kommunip namminerisamik sakkussatut atugassaraa Sullivinnik Nakkutilliisoqarfimmut nassiunneqartussaangitsoq imaluunniit akuersissutigineqartussaangitsoq. Suliffeqarfinni allaffeqarfiup avataaniittuni APV nassaarineqarsinnaassaaq aammalu kommunimi aqutsisunit, sulisunit Sullivinnik Nakkutilliisoqarfimmit tigorianaassalluni.

Kommunip allaffeqarfiata avataani suliffeqarfiit APV-mik suliaqarsimanersut, nassaareriaannaanersooq aammalu APV-mik pilersaarusernermi ingerlatsinermillu peqataasimanersut Sullivinnik Nakkutilliisoqarfimmit nakkutilliisoqassaaq. Suliffeqarfinni ataasiakkaani suliffiusuni APV-kkut sullivinni avatangiisitigut pissutsinik qulaajaasoqassaaq. Sullivinni avatangiisinik isiginnittaatsit nalilersorneqarsinnaapput, taamaattorli sulliviit tamarmik sutigut tamatigut misissorneqarnissaanik isumaqanngilaq.

Allaffeqarfiup avataani suliffeqarfinni ataasiakkaani, soorlu entreprenøreqarfiit, meeqqeriviit, allaffeqarfiit il.il. APV misissuataarneqassaaq.

Allaffeqarfiup avataani suliffeqarfinni aqutsisut APV immikkoortunik sisamanik imaqarnissaanik qulak-keerinnissapput:

- Suliffeqarfimmi isumannaallisaanikkut pissutsit paasineqarneri erseqqissarneqarnerilu
- Suliffeqarfiup isumannaallisaanikkut ajornartorsiutaanik allaaserinninneq nalilersuinerlu
- Suliffeqarfiup isumannaallisaanikkut ajornartorsiutaanik aaqqiinissamut iliuusissatut pilersaarummi pingaarnersuineq saqqummiussinerlu
- Iliuusissatut pilersaarummi malitseqartitsinissamut najoqqutassat

Peqqinnissamut pinaveersaartitsinissamullu politikki

Sulisut peqqissusaasa, inuulluataarnerisalu siuarsarnissaat Qeqqata Kommunianit pingartinneqarpoq.

2019-imi Sisimiuni Maniitsumilu sulisunut timigissartarfinnik akeqanngitsumik atuisinnaanerinik neqeroruteqartarnermik kommuni atuutilersitsivoq.

Nakkuṭilliineq

Kommunip allaffissuani init suliffiup nalinginnaasup avataanni, taamaalillunilu arfininngornikkut, sapaaṭikkut nalliuttunilu video atorlugu nakkuṭigineqarput.



Innimiilliornermut politikki

Suliffimmikinguaassiutitigutinnimiilliornermutnikanarsaasumillupissusilersuuteqarnermutpinaveersaartit-siniarluni, pinaveersaartitsinernik malittarisassanik sananissaq siunertaralugu, innimiilliornermut politikki suliarineqarpoq. Qeqqata Kommunian suliffeqarfiusoq kikkut tamarmik toqqissimallutik nuannaarlutillu suliffigisinnaagaat, kikkullu tamarmik suliffiup avatangiisaanik peqqinnartumik kultureqarnissamik tapersersuisuusut kissaatigaarput.

Innimiilliornermut politikki intranetsikkut aaneqarsinnaallunilu atuarneqarsinnaavoq:

Una ammarlugu

Nakuuserneq

Nakuusertoqartillugu imaluunniit siorasaarisoqartillugu Qeqqata Kommuniani illit sulisutut qanoq iliuseqarnissannut, Nakuusernermi politikki pingaarnertut tikkuussisussatut isigineqassaaq.

Qeqqata Kommuniani sulinnut atatillugu, nakuusernerit imaluunniit siorasaarinerit akuerissanngilatit. Nakuusertoqartillugu qaninnertut aqutsisorisat iliuseqarnissaminut pisussaaffeqartooq piaarnerpaamik ilisimatissavat.

Aqutsisoq/suleqat pisumik takunnittoq, tarnikkut ikiueqqaassaaq. Pisup kingorna tarnikkut ikiueqqaarnermit iliussisat ikorsiinissallu eqqarsaatigalugit, kina sungiusimasatut attaveqarfissarinerit allassimalunilu ilisimaneqassaaq. Nakuusernermi politikkip timitalerneqarnissaa, malinnaatittuarnissaalu kikkut tamarmik akisussaaffigivaat.

Sulisunik siunnersuinerit

Qeqqata Kommuniani sulisunut tamanut siunnersuisinnaaneq, Sulisoqarnermi immikkoortortap neqeroortigivaa. Sulisut ernumaataannik unamillertigisaannillu Sulisoqarnermut immikkoortortaaq tusarnaartuunissaminut immikkoortortaavoq arlaannaannulluunniit atasuunngitsoq, tamatumalu kingorna immikkoortortap piginnaasaqarfimmigut siunnersuisinnaalluni.

Sulisut tulluuttutigut siunnersorneqarnissaminik kissaateqakkajussinnaapput:

- Artorfeqarnikkut qaffassarneq ilinniarnertu
- Suliffimmi ajornartorsiuteqarneq
- Aningaasaqarnikkut ajornartorsiuteqarneq
- Imigassamik ajornartorsiuteqarneq
- Ass. tarnikkut imaluunniit angerlarsimaffimmi ajornartorsiuteqarnikkut inuttut ajornartorsiutit

Soraarsitsineq, Uparuaaneq, Nuutitsineq,

Suliffimmiit qimagutsitsineq

Aaqqissuusaanikkut allanngortitsinikkut sulisunik ikilisaaneq nuutsitsinerillu Aaqqissuusaanikkut allanngortiterinermi, pisariillissaanermi il.il. sulisunik ikilisaaneq aamma sulisunik nuussuineq pillugu sapinngisamik siusinnerpaamik sulisunut nalunaaruteqarnissaq aqutsisut akisussaffigaat. Soraarsitsinerit sapinngisamik pinngitsoortinneqassapput. Taamaattumik sulisunik ikilisaaneq tulliuuttutigit ingerlanneqarsinnaanersoq aqutsisunit misissorneqaaqaassaaq:

- Pissusissamisoortumik soraartoqarneratigit
- allamut inissiineq/nuutsitsineq, ilinniaqqinnermik ilalerneqarsinnaasoq

Sulisut ilinniaqqinnissamut/allanngortitsinikkut ilinniaqqinnissamut piareersimanissaat aammalu atorfeqarnikkut nikerarsinnaanissaat Qeqqata Kommunianit naatsorsuutigineqarpoq. Allamut inissiinermi inuttut pissutsit aammalu Qeqqata Kommuniani suliffeqarfiup suliassanik pitsaanerpaamik naammassineqarsinnaaneri eqqarsaatigineqassapput. Sulisut arlallit piginnaasatigit assigiissaarpata, kina allamut inissinneqarnissaanik/nuutinneqarnissaanik aalajangiinissamut atorfeqarsimanerup sivissusua pingaartinneqassaaq.

Aaqqissuusaanerup allanngortinneqarnera patsisaalluni soraarsitsineq

Qeqqata Kommunia aaqqissuusaanikkut annertuumik allanngortiterinermigut, sulisut pineqartut allamut inissinneqarnissaat ilinniarteqqinnissaallu naammaginatit, periarfissatut kingullerpaatut soraarsitsisoqartariaqarpoq.

Namineq kissaatiginagu suliunnaartussat, aammali kommunimi atorfeqaannartussat eqqarsaatigalugit, sulisut inissimanerinit Qeqqata Kommuniani aqutsisut eqqortumik, paasisimasqaartumik paasinnittumilu iliuuseqartartariaqarput.

Piginnaasaqarluartunik sulisunik soraarsitsineq sulisunut eqqugaasunut paasisimanilluarluni paasinnilluarlunilu ingerlanneqartassaaq aammalu sulisunik taamatut inisseratarsinnaasunut Qeqqata Kommunia ingerlatsinerup nalaani ikiuillunilu tapersuiniassaaq.

Aaqqissuusaanikkut allanguinerit atatillugu sulisut allatut ajornartumik soraarsitaasussat toqqarniarnerini, sulianut tunngasut tamatigit tunngaviginiarneqarlutillu eqqarsaatigilluarneqaaqaartassapput. Qeqqata Kommuniata pitsaanerpaamik suliassaminik naammassinninnissaa eqqarsaatigalugu, sulisup piginnaasaqarfii eqqarsaatigineqassapput.

Aaqqissuusaanikkut allanguinerit kingunerisaannik soraarniuteqarani soraarsitsinerni, soraarsinneqartup aqutsisuminit aamma/imaluunniit sulisoqarnermi siunnersortimit oqaloqatiginninnissaanik neqeroorfineqassaaq.

Soraarniuteqarani soraarsitaaneq

Soraarniutitaqanngitsunik soraarsitsinissat sapinngisamik ingalassimaniarneqassapput!

Allatulli ajornartumik soraarsitsinissamik aalajangiisoqassappat, tamanna pisortat allatut kommunip suliattut aalajangiisarnertulli pisortat ingerlatsineranni suliassat sularineqartarnerat pillugu inatsit naapertorlugu ingerlanneqassaaq.

Tamatuma malitsigisaanik, soraarsitsinnginnermi naammassisassanik piunasaqaateqarpoq.

Tamatumani aamma soraarsitsinermi sulieraatsinik malinneqartussanik, assigiinngitsunik isumaqatigiisuteqarpoq.

Pisut ilaat soraarsitsinertut isiginiarneqarsinnaasarput, tamakkunanilu aamma soraarsitsinissami piunasaqaatinik naammassinissimanissaaq piunasaqaataalluni, soorlu sulisup atorfininnerani atugassarititaasutigut allannguutit annertuut, soorlu sapaatip akunneranut tiimit suliffissat appartinneqarneri.

Soraarsitsinermi tunngavissat

Sulisumik soraarsitsineq tunngavilersorluarsimassaaq. Qeqqata Kommunianima inissisimalersimalluni soraarsitsinissani siunniussimaguniuk, kommunip soraarsitsinissaminik eqqarsaatersuuteqarnini ersarissumik tunngavilersussavaa.

Sulisumik soraarsitsinissaaq pillugu inaarutaasumik aalajangiisoqartinnagu, pineqartoq oqaaseqaateqarnissaminik periarfissinneqassaaq, tak. pisortat ingerlatsineranni suliassat sularineqartarnerat pillugu inatsisip § 19-at.

Soraarniutitaqanngitsumik soraarsitsinerit assigiinngitsunik patsiseqarsinnaapput. Sulisoq pisussaaffimminik naammassinngippat, malittarisassat atuuttunut tunngatillugu annertuumik sulinngitsoorfeqarpat imaluunniit allatigut annertuumik atorfinitsitaanermi piunasaqaatinik unioqqutitsippat pineqartoq soraarsinneqarsinnaavoq.

Kommuni sulisumik soraarsitsinissaa pinngitsoortinniarlugu, ajornartorsiutaasinnaasunut aqutsisut piffissaagallartillugu eqqumaniassapput. Ima paasillugu periarfissat allat tamarmik iluaqutitaqanngitsumik misilerarneqarsimareerpata siuliani tunngavilersuutit aallaavigalugit aqutsisoq aatsaat soraarsitsinnaavoq.

Uparuaaneq

Sulisoq pisussaaffimminik sumiginnaapput imaluunniit naammaginngitsumik sulippat, aqutsisup tamanna sulisumut uparuaateqarfigissavaa. Soraarsitsiniarnermik suliqaarnermi, mianersoqqussut allaganngorlugu tunniunneqarsimasooq, taamallu pisoqaqqissagaluarpat soraarsitsinermik suliffimmilluunniit qimagutsitsinermik kinguneqarsinnaasooq pineqartumut ilisimatitsissutigineqareersimasooq innersuussutigisinnaasariaqarpoq.

Ingerlaannartumik qimagutsitsineq

Sulisoq atorfirmmini pisussaaffimminik annertuumik sumiginnaappat, suliffimmit qimagutsinneqarsinnaavoq. Taama pisoqartillugu, tamanna piaarnerpaamik pissaaq. Illumut atorfirmmik annertuumik sumiginnaasoqarnerseq Qeqqata Kommuniata paasisaqarnissaani, sulisoq pineqartoq suliamut oqaaseqarnissaminut periarfissinneqartariaqarpoq.

Taamaattoqassappat pineqartup, pisariaqassappallu sulisutut sinniisuata peqataaneratigut,

oqaloqatigineratigut ataatsimeeqatigineratigulluunniit ingerlanneqarsinnaassaaq. Ataatsimiinneq imaqarniliorneqassaaq, sulisullu pineqartup taanna atsiussallugu.

Sulisoq sanioqqunneqarsinnaangitsumik nalornissutitaqanngitsumillu suliffimminit qimagutsinneqassappat, kommunip qimagutsitsinermini tunngavigisani sulisumut nalunaarutigiinnarsinnaavai.

Allakkatigut oqaaseqaatit

Kinaluunniit soraartoq qaninnertut qullersarisaminut allakkatigut oqaaseqaatinik piunasaqarsinnaatitaavoq. Oqaaseqaammi minnerpaamik sulisup suliffimmini tassani suut aamma piffissami sorlermi suliarisarnerai allaaserineqassapput.

Soraarnerminut atatillugu allatigut imalimmik oqaaseqaammik piunasaqarnissaminut sulisoq inatsitigut pisinnaatitaaffeqanngilaq. Sulisup kissaatigippagu, sulisup inuttut suliatigullu piginnaasai nassui-aatigalugit, Qeqqata Kommuniani aqutsisoq innersuussusiorsinnaavoq.

Sulisunut pisinnaatitsinermut pilersaarut

Matumunnga, tuliuttunullu atatillugu pisinnaatitsineq, sulisoqarnermut tunngatillugu aalajangiisinnaatitaanertut paasineqassaaq. Inatsisini, peqqussutini, kommunalbestyrelsimi ataatsimiititalianilu politik-kikkut aalajangiinerni, isumaqatigiissutini, ileqqoreqqusani, isumaqatigiissutinilu allassimasut eqqarsaatigalugit, pisinnaatitsineq ingerlanneqartassaaq.

Atorfinni amerlassusilikkani pisinnaatitsissutit takussutissartaat quppernerup tulliani takusinnaavatit:

Atorfinni amerlassusilikani atorfinititsinerni	Kommunalbestyrelse	Aningaasaqarnermut Ataatsimiittaliaq	Ataatsimiittaliat ataavartut	Qullersaqarfik	Immikkoortortami pisortaq	Atuarfimmi pisortaq/ meeqgerivimmi aqutsisoq/suliffiit sinnerini aqutsisut	Atorfinititsinissami ataatsimiittaliaq (sulissunik athuumassutiini akkuutitsineq)	Siulersuisut	Sulisogaqarnermut immikkoortortaq
Tjenestemandit (meeqqat atuarfii minillugit)		B		I					H/U
Qullersaqarfik	B	I		I*			H		H/U
Immikkoortortami pisortat		B	H	I			H		H/U
Allaffeqarfimmi sulisut sinneri				B	I		H		H/U
Illoqarfimmi atuarfinni/utoqqaat angerlarsimaffiini sulisut									
Atuarfinni pisortat/aqutsisut		B	H	I	I		H	H	H/U
Atuarfimmi pisortap tullia/sinniisoq				B	I	I	H	H	H/U
Ilinniartitsisut (timelaere-t ilangullugit)						B	H	H	H/U
Sulisut allat (atuarfinni paarlatsit ilangullugit)						B	H		H/U
Paaqqinniffimmi/nunaqarfimmi atuarfinni/ Ilaqutariinnut Kiffartuussivinni sulisorisat									
Aqutsisut				B	I		H	H	H/U
Sinniisut					B	I	H	H	H/U
Sulisut allat						B	H	H	H/U
Sulisut siuliani taaneqanngitsut									
Aqutsisut sinneri					B	I	H	H	H/U
Pisortap tullersortaa/sinniisoq/ nalinginnaasumik sulisut						B	H	H	H/U

Naalisaanerit isumaat:

B Aalajangiissaaq

I Innersuussisoq. Aalajangiisartunut aalajangiiffisassanngorlugu innersuussineq.

H Tusarniaavigineqassaaq/oqaaseqarsinnaatitaasoq. Aaljangiisoqartinnagu imaluunniit innersuussutip nassiunneqannginnerani tusarniaavigineqassaaq, imaappoq, innersuussutip nassiunneqarnerani kiisalu aalajangiinermi, oqaaseqaatit allakkatigut pigineqassapput.

U Ingerlatsisoq. Atorfinititsinermut atatillugu allaffissornikkut suliassanik ingerlatsisuussaaq.
* Qullersaqarfimmi atorfinitsitsinermi kommunimi pisortaaneq aningaasaqarnermut ataatsimiittaliaq peqatigalugu innersuussissaaq, qullersaqarfilli kommunip pisortaanerani atorfinitsitsinisamut innersuussisinnaatitaanani





Ilanngussat

Sulisunut quppersakkami allaaserineqartut, maleruagassanik politikkinillu itisiliisunik tapersersuisunillu immikkoortumi uani ilanngussaqaq nassaarisinnaavat. Suliffeqarfitta sulisunut tamanut toqqassisiman-artuunissaanut, akuutitsisuunissaanut aammalu ingerlalluartuunissaanut ilanngussat sakkussaapput maleruagassaallutillu.

Pisuni assigiinngitsuni attuumassuteqarsinnaallutik ilanngussani politikkit periutsillu immikkuullarissuupput aammalu sulisunut quppersakkamut tapertaasutut atuarneqartariaqaraluarlutik. Ilanngussat imarisaannik ilisimasaqarfigilernissaanik pisariaqartitsilernermilu sumi nassaarisinnaanerlugit ilisimanissaat innersuussutigissavarput.

Ilanngussat tullinnguuttut ilanngunneqarput:

- Pujortartarneq pillugu politikki
- Innimiilliornermut politikki
- Uppakajaarneq pillugu quppersagaq
- Oqaatsinut politikki

Ilanngussat pillugit apeqqutissaqaruit imaluunniit allakkanut allanut attuumassuteqarsinnaasunut siunnersuutissaqaruit sulisoqarnermut immikkoortortamut attaveqarnissannut tikilluaqusaajuannarputit.

Bilag	57
Qeqqata Kommuniiani sulisunut tamanut nikotin-italinnik atuineq pillugu politikki	58
Tunuliaqutaq	58
Kinguneqartitsinerit	58
Qeqqata Kommuniiani Innimiilliornermut politikki	59
Innimiilliornermut politikki	59
Naleqartitat tunngavigineqartut	59
Kinguaassiuftigut innimiilliornerit nikanarsaanerillu suuppat?	60
Kinguaassiuftigut innimiilliorneq	60
Nikanarsaasutut pissusilersomerit	60
Qanoq iliussavit?	61
Uppakajaarnerup pakkersimaarnissaanut quppersagaq	63
Uppakajaalernerq sunaana?	63
Akisussaaffiup avinneqarsimanera	65
Pinaveersaartiisineq	65
Suliffimmut pitsaasumik uteqqinneq	67
Atuakkiat atorneqartut	67
Oqaatsinut politikki	68
Siunertaq	68
Oqaatsit	69
Sulisoqarnermi politikki	69
Sulisut oqaatsitigut pisinnaasaannik ineriartortitsineq	70
Kalaallit kulturianik, oqaluttuarisaanerannik inuiaqatigiinnillu pissutsinik ilinniartitsineq	70
Avammut attaveqaaqatigiinneq (innuttaasunit innuttaasunullu saaffiginissutit)	71
Inoqatinut attaveqaatit pillugit maleruagassat	71

Qeqqata Kommuniani sulisunut tamanut nikotinalinnik atuineq pillugu politikki

Qeqqata kommuniani pujortartarneq pillugu politikki 1. Maj 2022 atuutilersinneqarpoq, malitseqartitsinermi allannguut 1. Januar 2025 atuutilissaaq.

1. Sulinerup nalaani pujortaqqusaanngilatit, snusitoqqusaanak e-cigaritsitoqqusaanallu
2. Qeqqata Kommuniata suliffeqarfutaani, illuutaani, atortulersuutaani aammalu illumut attuumassuteqartumut silami nunaminertani nikotinalittoqqusaanngilatit.

Tunuliaqutaq

Pujortartarnerup meeqqanut ersarissuunera annikillisarniarlugu, 1. maj 2022-mit kommunip suliffeqarfutai sulinerup nalaani pujortarfijunnaassapput. Qeqqata Kommuniani sulisunut tamanut, sulinerup nalaani pujortarfijunnaarnissaata atuutilersinnissaat, suleqatigiit Siumut, Inuit Ataqatigiit aamma Atassut isumaqatigiissuteqarput.

25. november 2021-mi "2022-mi maajip aallaqqaataanniit suliffeqarfik pujortarfijunngitsoq" pillugu siunnersuutip, Kommunalbestyrelsimit nalinginnaasumik ataatsimiinnermini suliarinninnermini akuersisutiginerata kingorna isumaqatigiissut atuuttussanngortinneqarpoq.

Malitseqartitsinermi 26. September 2024-mi Kommunalbestyrelsip ataatsimiinnermini, kingullermik 2024-mi HBSC-mik (Health Behaviour in School-aged Children) Meeqqat atuarfiini peqqisutsimut misissuisoqarneranit paasisat tunngavigalugit allannguutissatut siunnersuut akuersisutiginerpoq, "Qeqqata Kommuniani sulisunut tamanut pujortartarneq pillugu politikki" ima ilillugu "Qeqqata Kommuniani sulisunut tamanut nikotinalinnik atuineq pillugu politikki". **Allannguut 1. januar 2025 atuutilersinneqassaaq.**

Kinguneqartitsinerit

Nikotinalittoqqusaannginnermut malittarisassat unioqqutinneqarneri, atorfinitsitaanermut malittarisassat nalinginnaasut naapertorlugit kinguneqartitsissutaasassapput.

Nikotinalittoqqusaannginnermut malittarisassanik unioqqutitsinerit qanoq kinguneqaatissiissutaassanersut, tigussaasumik ataasiakkaartumillu nalilersuinikkut ingerlanneqartuaannassapput.

Siullermeertumik nikotinalittoqqusaannginnermut malittarisassanik unioqqutitsiguit, nalinginnaasumik uparuarneqassaatit imaluunniit mianersoqqusummik tunineqassaatit. Uteqqiasumik unioqqutitsisoqarpat, tamanna mianersoqqusinermik, soraarsitaanermik imaluunniit sakkortunerusumik pisoqartillugu ingerlaannartumik soraarsitaanermik kinguneqarsinnaavoq.

Malik Berthelsen

Borgmesteri

Hans Christian Sværd

Kommunimi pisortaaneq

Qeqqata Kommuniani Innimiilliornermut politikki

Akuersissutigineqartoq: 28. september 2023

Innimiilliornermut politikki

Innimiilliornermut politikki suliarineqarpoq pinaveersaartitsinernik malittarisassaqaarnissaq siunertaralugu, suliffimmi kinguaassiutigut innimiilliornermut nikanarsaasumillu pissusilersuuteqarnermut pinaveersaartitsiniarluni. Qeqqata Kommunian suliffeqarfiusoq kikkut tamarmik toqqissisimallutik nuannaarlutillu suliffigisinnaasaat, kikkullu tamarmik suliffiup avatangiisaanik peqqinnartumik kultureqaarnissamik taper-sersuisuussasut kissaatigaarput.

Qeqqata Kommuniani tunngaviusunik naleqartitanik, ilaatigut akisussaaqataaneq, ataatsimoorneq oqaloqatigiinnerlu politikki aallaaviupput. Taakku naleqartitat ersarissuussapput suliffeqarfimmilu sulisunit ilisimaneqassallutik, taamaattumillu sulisut tamarmik malinninnissaminnik pisussaataaapput.

Politikki aamma erseqqissaataavoq pisuni naleqartitat tunngavigineqartut eqquutsinneqanngippata suliffeqarfimmiit isummeqqusisinnaaneq naleqartut toq pissusissamisoortuusorlu. Atorfik apeqqutaanani politikki isumaqatigiissutinut ilaavoq

Naleqartitat tunngavigineqartut

Qeqqata Kommuniani sulisut tamarmik naleqartumik ataqqineqarlutillu pineqassapput. Kannguttaatsuliornermik pissusilersuutit kinguaassiutigullu innimiilliornerit qanorluunniit ittut uagutsinnit akuersaarneqanngillat.

Oqaluuteraatitsinnut tunngatillugu ammaqatigiinneq oqaloqatigiinnerillu Qeqqata Kommuniani kissaatigaarput, taamaaliornikkut nammineq killissarititatta eqqumaffiginissaannut qulakkeerinnissagatta. Sulisoq sulisulluunniit arlaatigut kannguttaatsuliorfigineqarpata aqutsisut kissaatigaat inuit paasitinneqartussat sapinngisamik sukkanerpaamik ilisimatinneqassasut, taamalu ililluta pisoq tamanut ataqqinnilluta suliarisinnaassallutigu.

Suiaassutsinut tunngatillugu kannguttaatsuliornerit, nikanarsaanerit imaluunniit innimiilliornerit, toqqaannartumik, toqqaannanngitsumik, ersarissumik imaluunniit toqqortertumik qanorluunniit iliuuserineqartut inatsisitigut imaluunniit tunngaviusumik naleqartitatsinni akerliuppata kikkut tamarmik naleqartutut ataqqineqartutullu pineqarnissaannut akerliuppata akuersaanngilagut.

Isummersuutit naleqartitallu uani politikki ersersinneqartut oqaluuteraatsinut ingerlateqqinneqarnissaat suliffeqarfimmi aammalu sumiiffinni tamani piumasaqaatigaarput. Aamma assersuutigalugu suliffimmut atatillugu attaveqarnermut aqqqissuussani toqqaannanngitsumik suliffimmut attuumassutinnut atuupput.

Kannguttaatsuliornerit pissusilersuutai apeqqutaallutik atorfinitsitsinermut atatillugu kinguneqartinneqarsinnaapput, assersuutigalugu allamut inissinneqarnermik, mianersoqquneqarnermik sakkortuumillu pisoqartillugu peersinneqarnermik. Kannguttaatsuliornermut tunngatillugu salluliorluni nalunaarnerit aamma akuersaarneqarsinnaanngillat, atorfinitsinneqarnermullu tunngatillugu aamma kinguneqartinneqarsinnaallutik.

Kinguaassiutitigut innimiilliornerit nikanarsaanerillu suuppat?

Kinguaassiutitigut innimiilliorneq

Inuk kinguaassiutitut attuumassuteqartunik pissusilersuutit piumassuserinngisaanik nalaataqartinneqaraangat, inuup pineqartup kanngunarsarnissaanik, nikanarsarnissaanik, assigiinngisinneqarnissaanik imaluunniit nukillaarsarnissaanik sunniuteqartumik siunertaqartumilluunniit pissusilersorfigineqaraangat kinguaassiutitigut innimiilliorneruvoq.

Kinguaassiutitigut innimiilliornerit assersuutit

Kinguaassiutitigut innimiilliornerit iliuusaasinnaapput aammalu oqaasiusinnaallutik. Kinguaassiutitigut innimiilliorfigineqartutut misigiffiusut makkuusinnaapput:

- Kunineqarnerit kissaatiginngisamillu inuit allat susassarinnngisaatigut attuualarneqarneq, assersuutigalugu uppatikkut, iviangikkut makisikkulluunniit attuualarneqarneq, aammali assersuutigalugu niaqqukkut, tuikkut, qitikkut talikkullu pissusissamisunngitsumik attuualarneqarneq. Pissusilersuut aamma uani pineqarpoq qeerlernaaneq, tassa nalikkaakkut uppatikkulluunniit attorneqarneq. Tamanna quiasaarnertut pineqaraluarpuunniit kinguaassiutitigut innimiilliornerit isigineqassaaq.
- Kissaatiginngisamik atoqateqarnissamut kajumissarinerit imaluunniit susassaqqanngitsumit kinguaassiutitut tunngatillugu apersuinerit.
- Kinguaassiutitut tunngasunik imalinnik imaluunniit sammisanik oqaluttuarnerit, quiassuaatit oqaaseqaatillu
- Assinik aalasulianilluunniit kinguaassiutitut tunngasunik imalinnik takutitsinerit
- Il.il.

Nikanarsaasutut pissusilersornerit

Siorasaarinerit, nikanarsaanertut imaluunniit iluaatsumik silaannaqartitsineq siunertaralugu imaluunniit sunniuteqartinniarlugu pissusilersuutit Qeqqata Kommuniani nikassaasutut isigaavut.

Nikassaasutut pissusilersornerit assersuutit

Nikassaasutut pissusilersuutit tamatigut pimmatigininnertut paasineqartarput, tamatumunngalu uteqqiattunik nuanniitsunik imaluunniit nikassaasutut pissusilersornerit ilisarnaataapput imminut illersorfigu-minaatsut. Nikassaasutut pissusilersuutitut makku assersuutaasinnaapput:

- suleqammut nakkarsaasunik oqalorjuussinerit
- akuutitsinnginneq imaluunniit nikassaarpassilluni nikanarsaasunilluunniit oqaaseqarnerit,
- suleqat allat tusaatillugit isornartorsiorlugu,
- suleqat pillugu ingutsinerit,
- ersisaarineq, siorasaarineq, tupassaarineq imaluunniit peqqarniitsumik oqalunneq, oqaatitsigut imaluunniit allakkatigut,
- suleqat nilliaffigalugu,
- aqutsisuuffigisanut naleqqutinngitsumik suliakkiivallaarneq, uteqqiattumik imaluunniit piaraaluni ajorniarluni taama iliorneq

Qanoq pissusilersornerlutit eqqumaffigiuk. Assersuutigalugu suleqatitit ilisarismallugit isumaqarsinnaavutit, taakkulu kinguaassutitut tunngatillugu illaruaatitut, suaassutitut imaluunniit atoqatigiinnermut tunngatillugu innimiilliorfigineqartutut misiginaviangitsut isumaqarsinnaavutit, kisiannili taakku (imaluunniit allamit illuaruaatinik tusaasup) kannguttaatsuliorfigineqarnertut misigisimagunik, innimiilliornerlutit nalilerneqarsinnaavoq.

Aaqqiagiinnginnerit qinngasaarinerillu ataasiakkaat illuatungeriinni ajortutut figuneqanngippata taava nikanarsaasutut pissusilersornertut isigineqassanngillat.

Qanoq iliussavit?

Kannguttaatsuliorlutut pissusilersuutit Qeqqata Kommuniani iliuuserineqartannginnissaasa qulakkeerissaat tamatta akisussaaffigaarput.

- **Sulisutut kannguttaatsuliorfigineqaruit**, pissusilersuut kissaatiginngisamut ingerlaannartumik killiliissaatit. Pingaaruteqarpoq killiliinissaq, tassami pisoq kannguttaatsuliorfigineqartumit allatut paasineqartoq kannguttaatsuliorlutumiillu isumaqarfigineqarsinnaalluni pissusilersuut akuerineqartoq.

Ilnnut kannguttaatsuliorlutut killilissallugu toqqissisimangikkuit, aqutsisunnut imaluunniit Sulisoqarnermut immikkoortortaqarfimmuk ikiortissarsiorsinnaavutit. Aqutsisorisat kannguttaatsuliorlutut pissusilersuummut ilaasimappat, qaffasinnerusumik aqutsisut attavigissavat (assersuutigalugu aqutsisut aqutsisua) imaluunniit sulisoqarnermut immikkoortortaqarfik. Suliaq aamma Qeqqata Kommuniata whistleblowerianut nalunaarutigisinnaavat.

Suliaq pillugu aqutsisunik imaluunniit sulisoqarnermut immikkoortortaqarfimmik oqaloqatigiinnermi najorteqarsinnaatitaavutit

- **Suleqatitut kannguttaatsuliorlutumik pissusilersortuuguit**, suleqatitit iliuutsitit killilerpagit ataqqissavat. Tassunga atatillugu pissusilersuutit akuerineqanngitsut unitsissavatit, naak nammineq pissusilersuutitit quiaqigaluarlugit ajortumillu isumaqarnartinngikkaluarlugit.
- **Suleqatitut** kannguttaatsuliornermik pissusilersortoqarneranik ilisimannittuuguit pisup soqutiginngitsusaannginnissaa pingaaruteqarpoq. Pissusilersuut killilissavat suleqatillu kannguttaatsuliorfigineqartoq tapersersorlugu. Suleqatit tapersersuinerat suliap ingerlanneqarnissaanut eqqugaasumullu pingaaruteqarlunnarpoq.

Kannguttaatsuliornermut pissusilersuutit nalunaarutigissallugit pisinnaatitaaffeqarputit, ilinnulluunniit kannguttaatsuliorlutuqanngikkaluarpat. Pissutsinik taamaattunik nalunaaruteqarninni Qeqqata Kommuniata suliffitsialaanissaanut qulakkeerinneqataassaatit

- Suliffimmi avatangjiserissaarnissamik qulakkeerinnissallutit **aqutsisutut** akisussaaffeqarputit. Innimiilliornermut aammalu kannguttaatsuliornermut pissusilersuutitut tunngatillugu saaffiginissutit tamaasa Qeqqata Kommuniani ilungersunartutut figuneqartarput. Aqutsisoq kannguttaatsuliornermut pissusilersuummut tunngatillugu nalunaarummik tigusaqarsimaguni erngerluni sulisoqarnermut immikkoortortaqarfik ilisimatissavaa, taakkua suliap pitsaasumik suliarineqarnissaanut akisussaasuummata. Kannguttaatsuliorneq annikissimappat, atorfinitsitsinermilu kinguneqartinneqarsinnaanngippat, taamaallaallu uparuarneqarnermik kinguneqarsinnaappat, pineqartut sulisoqarnermut immikkoortortaqarfimmit oqaloqatigineqarnerisigut pineqartut akornanni aaqqiivigineqaannarsinnaavoq.

Kannguttaatsuliortup inuttut namminermut tunngatillugu paasissutissaanut ilanngunneqartussamik, Sulisoqarnermut immikkoortorta qarfik suliamut tunngatillugu oqaaseqaasiussapput.

Suliaq ima sakkortutigippat, sulisoqarnermik immikkoortorta qarfiup sulisunut inatsisitigut suliamut tunngatillugu atorfinitsinneqarnermi kinguneqartitsisinnaavoq, tassa mianersoqqusiniikkut, soraarsitsiniikkut imaluunniit peersitsiniikkut.

Inuit naammagittaalliornikut imaluunniit tatiginassuseqarlutik misissuineranut ilaasut – kannguttaatsulior-tumik pissusilersortutut isigineqartoq ilanngullugu - arlaatigulluunniit suleqatinit imaluunniit aqutsisunit pillaatitut akiniaqqusaanngillat.

Kannguttaatsuliorfigineqartup pisoq politii nut nalunaarutigissallugu nammineq akisussaaffigaa, sulisoq sinnerlugu politii nut nalunaarutiginninnissamut Qeqqata Kommunianit pisussaaffigineqanngimmat.

Arlaannaatigut innimiilliornermik kannguttaatsuliornermillu pissusilersornerit Qeqqata Kommunianit akuersaarneqannginnissaa Qeqqata Kommuniani pisortaaneqarfiup/aqutsisut pingaarnertut akisussaaffigaa.

Attaveqarfissaq

Arlaatigut nikanarsaasumik iliuseqqarfigineqarsimaguit imaluunniit kinguaassiutinut tunngatillugu kannguttaatsulior-tumik pissusilersorfigineqaruit, qaagugukkulluunniit Sulisoqarnermut immikkoortorta qarfik attavigisinnaavat mail-ikkut hr@qeqqata.gl imaluunniit 70 21 00- mut sianerlutit, imaluunniit pisoq Whistleblowerikkut aqqissuussamut maana isernikkut nalunaarutigalugu:

www.nuna-law.gl/qeqqata

Suna/kina pillugu/-mut nalunaaruteqarsinnaanermut tunngasut pillugit uani atuarneqarsinnaapput:

[**Whistleblower Qeqqata Kommunianit**](#)

Uippakajaarnerup pakkersimaarnissaanut quppersagaq

Aana uippakajaarnerup pillugu malittarisassaq Qeqqata Kommuniani illoqarfinni Sisimiuni Maniitsumilu kiisalu nunaqarfinni Atammimmi, Napasumi, Kangaamiuni, Kangerlussuarmi, Itillimi Sarfannguanilu atuuttooq.

Suliffeqarfinni amerlanerni uippakajaarnerup ajornartorsiutaavoq ilisimanearluartoq. Piffissap ilaani sulisut pisortallu misigisarpaat suleqat uippakajaarnerup peqqutaalluni sivisunerusumik imaluunniit sivikinnerusumik sulinngiffeqartoq.

Ataatsimut suleriaaseqarnikkut uippakajaarnerup qaangerneqarsinnaavoq. Uippakajaarnerup inuttut ataasiakkaatuinnaq ajornartorsiutaanngilaq, ataatsimulli suliniuteqarnermi qaangerniagassaalluni.

Uippakajaarnerup pillugu malittarisassap siunertaraa Qeqqata Kommuniani sulisut tamarmik suliffeqarfiup uippakajaarnerup pillugu politikkiata ilisimanissaanut assigiimmik periarfissaqarnissaat. Sulisuusumut aamma suliffeqarfinni pisortamut aamma sulisunik akisussaasumut ilinnut uippakajaarnerup pillugu malittarisassaq una innersuunneqarpoq.

Uippakajaarnerup pillugu malittarisassap uippakajaarnerup suunera aammalu illit pisortatut suleqataasutulluunniit nammineq suleqatilluunniit peqatigalugu qanoq uippakajaarnermik pinaveersaartit-sisinnaanersusi nassuiarpa.

Qeqqata Kommuniani sulisuusutit kommunip qitiusumik isumalluutigaa, taamaattumik pingaaruteqarpoq suliffeqarfik pitsaasoq aammalu suliffeqarfinni avatangiiisit pitsaasut qulakkiissallutigat.

Atuarluarina, apeqqutissaqaruit Sulisoqarnermut immikkoortortaqarfirmut saaffiginninnissanut tikilluaqqusaajuannarputit.

Uippakajaalernerup sunaana?

Uippakajaarnermi qisuariaat suliffimmiit suliffiulluunniit avataani pisunit immikkoortitsisuunngilaq, amerlanertigullu assigiinngitsunik pisoqarnera pissutaalluni uippakajaarnerup pinngortarluni. Uippakajaarnerup nappaataanani qanoq issusermik takutitsisuuvoq.

Pisut assigiinngitsut uippakajaarnermut peqqutaasinnaapput. Eqqaamassavarput ullorput agguqaq-tigiisillugu akunnernut arfineq-pingasunut agguataarsinnaammat, akunnerit arfineq-pingasut sulineq, akunnerit arfineq-pingasut qasuersaarnerup (sulinnginneq) aamma akunnerit arfineq-pingasut sininneq. Immikkoortut pingasut uteqqiasumik, imaluunniit piffissap sivisunerusup iluani sukataarfusimappata uippakajaarnerup piulersinnaavoq.

Uippakajaarnerup tamatigut sulinerup atatittarparput, uippakajaarnerpulli assigiinngitsunik tunngaveqarsinnaavoq. Taamaalilluni uippakajaarnerup annerusumik minnerusumilluunniit inummut ataasiakkaamut tunngatinneqartarpoq.

Uippakajaarnerup qanoq issutsimut tunngasuvoq, nappaataanngilaq. Maluginiaruk, piffissap sivisuup iluani uippakajaarnerup eqqortumik suliarineqanngikkuni timikkut eqqarsartaatsikkullu piujuannartunik ajoquteqalersitsinnaammat.

Ulluinnarni sulinitinni piunasaqaatit misigisarpagut, ilaasa piunasaqaatit annertuutut ilaasalu annikitsutut misgisinnaavaat, tamanna inummiit inummut assigiinngilaq. Piffimmi massakkumiiffitsinni nammineq misgisagut naliliinerillu aallaavigalugit assigiinngitsutigut qisuariartarpugut.

Piffissap sivikitsup iluani uippakajaarneq

Inuit tamarmik misigisarpaat piffissap sivikitsup iluani uippakajaarnartumik nalaataqarneq.

Taamatut uippakajaarneq timikkut, tarnikkut aamma pissusilersornikkut assigiinngitsunik qisuariartit-sisarpoq, tamatumunngalu atatillugu ukkassisinnaanerit annertusisarpoq taamaalillutit pitsaasumik angusaqarsinnaanngorlutit.

Pisuni immikkut tunniussassaqaarfusinnaavoq, assersuut:

- Misilitsinnerit
- Aaqqiagiinnginnerit
- Sulinermi suliassanut killigititat

Unamminartut qaangiuteriarpata pingaaruteqarpoq timit qasuersaartissallugu, taamaalilluni nukissanik katerseqqinniassammat, uippakajaarnerlu ingerlaannassanngimmat sivirusumillu atugaalerluni.

Piffissami sivirusumi uippakajaaleratarsinnaaneq

Piffissap sivirusup iluani uippakajaarneq pissusissamisuumngilaq, kingunerisinnaallugit napparsimalerneq imaluunniit nappaatip ajornerulerneru.

Piffissap sivirusup iluani uippakajaarnerup ilaatigut kingunerisinnaavai:

- Uummatip taqarsuatigut nappaateqalerneq
- Isumatsanneq
- Nappaatit pigiuannakkat ajornerulerneru, soorlu, malussarissutsimut nappaatit aamma sukkorneq type 2.
- Ajutoornerit¹

Akisussaaffiup avinneqarsimanera

Aaqqissussinerup tungaaniit atugarissaarnermut misissuinerit aamma APV (Arbejdspladsvurdering) ingerlanneqartarput, taamaalillutik suliffeqarfimmi atugarissaarnerit aamma sulinermi avatangiisit misissor-neqartarlutik.

Uippakajaarneq pillugu malittarisassa q sulisunit tamanit ator-neqarsinnaavoq.

Pisortatut uippakajaarnerup pinaveersaartinnissaa akisussaaffigaat, ataasiakkaani/eqimattani takor-luukkat anguniakkallu erseqqissumik sinaakkutaqarnissaat isumagissavat.

Atugarissaarneq uippakajaarnerlu isumannaallisaanermut aaqqissuussaanermi (Sumiiffimmi AMO) ilaatinneqassapput, APV-mi ilaatinneqarlutik, aammalu MUS, LUS imaluunniit GRUS oqaloqatigiinnerni eqqartorneqarlutik.

Sulisup ataasiakkaap nammineq akisussaaffigaa naamineq ersiutini/artukkersimanini, killissanilu maluginiassallugit, kiisalu pisortaminut imaluunniit suleqatiminut ersarissumik oqaatigissallugit.

Ersiutit/artukkerneqarnerit malugigukkit pisortannut qaninnermut oqaatigikkit, tamanna pisussaatitaaffigaat.

Pinaveersaartitsineq

Uippakajaanermik pinaveersaartitsineq ima agguataagaavoq:

- Aaqqissuussinerup tungaanit
- Pisortat tungaanit
- Eqimattat tungaanit
- Ataasiakkaat tungaanit

Aaqqissuussinerup tungaanit atugarissaarnermut misissuinerit aamma APV ingerlanneqas-sapput, Qeqqata Kommuniani atugarissaarnerit, sulinermi tunniusimanerit aamma avatangiisit inississor-neqas-sallutik.

Uippakajaarneq pillugu malittarisassa allangorarsinnaasoq sulisunit tamanit ator-neqarsinnaassaat-taaq.

Aqutsisut uippakajaarneq pillugu malittarisassa qanoq ima qarner-soq sumilu pissarsiarineqarsinnaa-nersoq paasisitsissutigissallugu isumagissavaat.

Aqutsisup isumagissavaa inuit ataasiakkaat imaluunniit immikkoortut pisariaqanngitsumik uippaka-jaartinninnissaat, tamanna pisinnaavoq immikkoortortat ataatsimiikulatinneranni, ukiumullu MUS-imik oqaloqatigiinneq aqutugalugu suliassat inississorneranni aamma ineriartorfiit periarfissaasa inississor-neranni.

Illit aqutsisutut uippakajaarnerup pinaveersaartinnissaa aammalu atugarissaarnissat aamma uippa-kajaalinninnissat akisussaaffigaat. Tassani illit, suleqat aamma suliffeqarfik eqqarsaatigalusi.

Paasineqarpat suleqat atugarissaanngitsaq, pingaaruteqarpoq piaartumik iliuuseqarnissaaq, uippaka-jaarneq siammarinnaammat imaluunniit "tuniluussinnaammat".

Eqimattani piffissap annikitsulluunniit iluani tapersersoqatigiinneq aamma ikioqatigiinneq pisassaaq. Uippakajaarneq ammasumik oqallisigineqartassaaq, suleqatit qanoq innersoq aperiuq. Suleqatit uippakajaarnermik ersiuteqartoq maluginiarukku, taava aqutsisut maluginiakkatit pillugit oqaloqatigiuk.

Eqqarsartariaatsitta isumagissaarnerput aamma iliuseqartarnerput aalajangertarpaa. Taamaattumik pingaaruteqarpoq qanoq iliuseqarnerput aamma qisuariarnerput eqqarsaatigissallutigilut.

Inuttut ataasiakkaatut sulisup akisussaaffigaa uippakajaarnermik ersiuteqalerneq maluginiassallugu. Tassani pingaaruteqarpoq ikiortinnissaq pisariaqartillugu oqaatigissallugu. Sulinermi piumasaaqatit sakkortuallaartutut misiginarsippata imaluunniit suliat salliuunniissaat ajornarsippat aqutsisoq imaluunniit suleqat ikiortissarsiorfigineqassapput.

Taamaammat pingaaruteqarpoq:

- Piffissaq atukkat piviusorsioortumik pilersaaruseruk – Kingusinaartarnerit naatsorsuussaanngitsumillu pisut inissaqartittuaannassavatit
- Suliassat ataasiakkaarlugit isumagisakkit
- Unillatsiartarnissat eqqaamallugu
- Pilersaarusernerit uniuuppat piviusorsiorsimanersoq imminut aperigit

Nipangersimaannarneq pinnagu oqaatigiuk

Uippakajaartup nammineerluni ikiorneqarnissani ujartorpiarneq ajorpaa. Akuersaarnartuusut saniatigut pineqartup uippakajaarnini amerlasuutigut nalusarpaa, taamaattumik ikiorneqarnissaminut ujartuineq ajorpoq.

Tamatuma saniatigut uippakajaartup uippakajaarnini pissutigalugu killiffini iluamik maluginiarsinnaaneq ajorpaa. Nukissaalatsisarnertik suliatillu isumagisinnaannngikkaangamikkil amerlasuut kanngugisarpaat, imaluunniit suliffitsik annaalersoralugu aarleaquteqartarput.

Uippakajaarneq assut paqumigineqartarpoq, ajoraluartumillu piffissaalluuartillugu eqqortumik tapersersorneqartartut amerlanngillat.

Suleqatitsialak nipangersimaannartuunngilaq

Suleqatit pingaartumik qaninnerpaasutut inissisimasut suleqatimik uippakajaarnermik ersiuteqarnerannik takunneqqaartuusarput, aamma pisortaasumit siulliullutik. Arlallit akulerunnissartik annilaangagisarpaat imaluunniit nalornissutigisarpaat - aamma oqaloqatiginnillaqqikkaluarlutilluunniit - suleqat atugarliorpasittoq ajorpasittorluunniit orninnissaanut tunuarsimaarsinnaasarlutik.

Suleqammut attaveqannginneq kukkusumik eqqarsaatiginninneruvoq, pissutigalugu iliuseqannginneq tassaammat ajornerpaaq. Iliuseqannginneq siunissaq ungasinnerusoq eqqarsaatigalugu kingunerlussinnaavoq – ilinnut suleqativillu sinnerinut. Akerlianilli iliuseqaruit suleqatit ajorluinnartumik uippakajaalinnginnissaa qulakkeersinnaavat.

Suliffimmut pitsaasumik uteqqinneq

Napparsimalluni sulinngiffeqartitaasoq piaarnerpaamik isumaginissaa pingaaruteqarpoq. Suleqatigisaq pitsaasumik sulilerseqqinnissaanut aajukua siunnersuutitsialaat pingasut:

1. Aqutsisup sulisoq piaartumik oqaloqatigisalissagaa. Aqutsisumut sulisumullu pissusissamisoorpat sa-paatip akunneranut arlaleriarluni oqarasuaatikkut attaveqartarneq ajuunngilaq.
2. Sulisoq qaqugu qanorlu suliartoqqissanersoq aqutsisumit isumaqatigiissusiorfigineqassasoq.
3. Qanoq isumaqatigiittoqarsimanagera kiisalu isumaqatigiissutigineqartup qanoq sunniuteqarnissaa pillugu immikkoortortami suleqataasut peqataatinnissaat.

Oqaatsinut politikki

Oqaatsinut politikki pillugu Inatsisartut inatsisaat nr. 7 19. maj 2010-meersoq naapertorlugu Qeqqata Kommunian pisussaaffeqarpoq kommunimi oqaatsinut politikkimik ilusiliissalluni.

Oqaatsinut politikki tassaavoq inuiaqatigiinni oqaatsitigut pissutsinik siunertaqartumik aqutsineq. Kalaallit oqaasii tassaapput Kalaallit Nunaanni pisortatigoortumik oqaasiusut pisortatigullu ingerlatsiner-mi atugaasut im.§3. Kommunip iluani oqaatsitigut pissutsinik aqutsineq Qeqqata Kommuniani oqaat-sinut politikkimik maleruagassiornikkut malittarisassiornikkullu maana ivertinneqarpoq.

Oqaatsinut politikkimik Qeqqata Kommuniani ivertitsinermigut nuna tamakkerlugu oqaatsinut politik-kiusup siunertaanik malinninnissamut piumassuseqarnini kommunalbestyrelsiup nalunaarutigaa.

Siunertaq

Inatsisartut inatsisaanni siunertarineqarpoq nunap matuma oqaatsinut politikkianut sinaakkutissat er-seqqissut qularnaassallugit, tamatumunnga ilagitillugu oqaatsitigut akuunerulersitsineq, makku aqqu-tigalugit

1. kalaallit oqaasii oqaatsitut tamakkiisutut inuiaqatigiinnilu atugaasutut qularnaarnerisigut,
2. kalaallit oqaasiisa taakkualu ilitsoqqussaralugu oqaatsitut allamiutullu oqaatsitut ineriartornerisa nukittorsarnerisigut,
3. oqaatsitigut aporfusartut pinaveersaarnerisigut peerniarnerisigullu, tamatumuuna marlunnik arla-linnillu oqaaseqarneq nukittoqutaallunilu pisuussutinngoqqullugu, aamma
4. Kalaallit Nunaat nalunngisaqarfiusumik inuiaqatigiiffittut nukittorsarniarlugu oqaasertusarnerup inuiaqatigiinni siuarsarneratigut.

Oqaatsitigut akuunerulernissaq inunnut immikkoortunut pingasunut sammitinneqarpoq:

3. kalaallisut ilikkarnissamik pisariaqartitsisunut,
4. danskisut tuluttulluunniit ilinniarnissamik pisariaqartitsisunut,
5. kalaallit kulturiannik, oqaluttuarisaanerannik inuiaqatigiinnilu pissutsinik ilinniartinneqarnissamik pisa-riaqartitsisunut.

Oqaatsitigut akuunerulernissamik oqarneq paasineqassaaq pineqartuni taakkunanani pingasuni oqaat-sitigut aporfusartut peerniarnissaat inunnullu taaneqartunut oqaasertusaanissap nukittorsarnissaa, innuttaasut inuiaqatigiinni peqataasinnaanerat pitsanngorsarniarlugu nunatsinnilu ataatsimoornermik misigisimaneq kinaassuserlu patajaallisarniarlugit.

Taamaattumik pisortatut oqartussaasut oqaatsitigut piginnaasaat piginnaasatigullu anguniagaat ukkataralugit Qeqqata Kommuniani oqaatsinut politikki maleruagassianik sannateqarpoq. Kommunip pisortaqaarfisigut ingerlatsinerani suleriaatsit, soorlu avammut attaveqqaatigiinnermut nutserinermullu attuumassuteqartut, aalajangersimasut pillugit maleruagassianik imaqarpoq.

Qeqqata Kommunianni oqaatsinut politikkip siunertaa suliniarfigineqartunut matuma kinguliini taaneqartunik, taakkuinnaanngitsunilli, immikkoortortaqarsinnaavoq:

1. suliffiup iluani avammullu attaveqaaqatigiinnermi najoqqutassiat,
2. sulisut oqaatsitigut kulturikkullu piginnaasassaannut anguniakkat, kiisalu
3. pisortatut oqartussaaffiup avataanit oqaatsitigut isigineqarnerata ersersinnera.

Oqaatsit

Kalaallit oqaasii pisortatigoortumik oqaasiupput. Kommunimut pingaaruteqarpoq innuttaasut oqaatsit iluarinerusaat atorlugit attaveqartarnissaq. Allakkatigut saqqummiussat minnerpaamik nassitittup oqaatsit atorlusutai aallaavigalugit allanneqartassapput. Taamaattumik pingaaruteqarpoq pisortaqarfitsigut ingerlatsinerami oqaatsit atorneqartut paasiuminartuunissaat, ersarissuunissaat, uummaarisuunissaat, atoruminartuunissaat ullutsinnullu naleqquttuunissaat.

Pisortat ingerlatsineranni suliassat suliarineqartarnerat pillugu inatsit naapertorlugu suliamik ingerlanneqartumut peqataasoq isummaminik ersersitsinnaavoq, kissaatigigini kalaallit imaluunniit danskit oqaasii atorlugit sullinneqarumalluni. Taamatut isummamik ersersitsineq pisortatut oqartussaasut malittussaavaat.

Tuluit oqaasii nunanilu assigiinngitsuni oqaatsit pisariaqartitsisoqartillugu atorneqarsinnaapput. Naleqquttuunera apeqqutaatillugu paasissutissat tuluttut aaneqarsinnaanerit anguniarparput.

Kalaallit Nunaanni najugaqavissut tamarmik aammattaaq pisinnaatitaapput kalaallisut danskisullu, kiisalu nunani tamalaani oqaatsinik atugaasunik ilikkarnissamut, oqalunnikkut allannikkullu, tassuunakkut inuiaqatigiinnermi inuunermut peqataasinnaaqqullugit ilitsoqqussaralugillu oqaatsiminnik atuisinnaallutillu ineriartortitsisinnaaqqullugit.

Taamatuttaaq Kalaallit Nunaanni najugaqavissut tamarmik pisinnaatitaapput danskisut tuluttullu, oqalunnikkut allannikkullu, oqaatsitigut kulturikkullu piginnaasamikkut ineriartortitsinnaatitaanermut, tassuunakkut annertusiartortumik nunarsuarmioqataajartornerup nalaani arlalinnik oqaaseqarnerminnik arlalinnillu kultureqarnermik paasinninnerminnik pitsaangorsaallutillu patajaallisaanissaminut periarfissaqarsinnaaqqullugit.

Sulisuqarnermi politikki

Sulisut kommunimi nuklupput pingaaruteqarnerpaat, taamaattumillu sulisuqarnermut politikkikkut kommuni Kalaallit Nunaanni siuttut ilaattut inissisimassalluni.

Pisinnaasatigut ineriartortitseqatigiinneq ilaatigut pikkorissarnertigut, ilinniaqqinnikkut tamakkunuunalu malinnaatitsinikkut, kiisalu ilinniakkatigut inuttullu ineriartortitsinikkut pilersarpoq.

Pisinnaasatigut ineriartortitseqatigiinnissamik pisariaqartitsineq anguniakkatigut, iliuusissatigut pilersaarusiornikkut, kiisalu SI-oqaloqatigiinnertigut qulaajarneqarsinnaavoq.

Oqaloqatigiinneq ilaatigut pisarpoq nammineq oqaaserisanik atuinikkut, naligiilluni ataqqeqatigiinnikkut, kiisalu illup iluani avammullu attaveqaaqatigiinnikkut.

Sulisut oqaatsitigut pisinnaasaannik ineriartortitsineq

Sulisitsisoq pisussaavoq sulisuminik immikkut pineqartumuinnaq oqaloqatiginninnissalluni sulisup oqaatsinik aamma kalaallit kulturiannik, oqaluttuarisaanermik inuiaqatigiinnilu pissutsinik ilinniartitaanissamut pisariaqartitsinersoq.

Taamaattumik Qeqqata Kommuniata soqutigisassaraa sulisunut oqaatsinut uku pikkorissarfiginissaanut neqerooruteqartarnissaq; kalaallisut, qallunaatut tuluttullu. Kiisalu aamma kommunip soqutigisassaraa kalaallit danskullu kulturiisa akornanni illugiimmik kulturimik paasisaqaqatigiinnissap qulakkeernissaa.

Ataani pineqartuni pikkorissarnernut ilinniartitsinernullu neqerooruteqartarnissaq tapiissuteqartarnissarlunniit tullerillugit kommunip salliutippai:

- Kalaallinik danskisut oqaasilinnik kalaallisut ilinniartitsineq, aallarlerlaaniit ingerlaqqittunut
- Avataaneersunik kalaallisut ilinniartitsineq, aallarlerlaaniit ingerlaqqittunut
- Tuluttut ilinniartitsineq, aallarlerlaaniit ingerlaqqittunut
- Kalaallit kulturiannik, oqaluttuarisaanerannik inuiaqatigiinnilu pissutsinik ilinniartitsineq, kiisalu
- Inuttut kulturikkullu naleqassutsinik ilinniartitsineq.

Qulaani pineqartut saniatigut kissaatit allat inukkaartumik aqutsisorisanik ataasiakkaanik isumaqatigiissutigineqarsinnaapput immikkoortortallu ataasiakkaat nammineq aningaasartuutissanut atugasaaannit aningaasaliiffigineqassallutik. Pikkorissarnermi peqataanissaq ingerlatsineq eqqarsaatigalugu tamatigut pisortaq isumaqatigiissuteqarfigalugu pisassaaq.

Ilinniarneq sulisitsisumit akilerneqartussatut neqeroorutigineqarsinnaavoq taamaaliornikkut sulisoq sulianik ingerlataani tapersersorneqarsoritillugu.

Oqaatsinik ilinniartinneqarnissamik kissaatit qaninnertut aqutsisorisamut sukkullunniit apuunneqarsinnaapput. Aammattaaq sulisunik aqutsisunillu inerisaanermik oqaloqateqartarnernut (MUS/LUS) atatilugu oqallisigineqarsinnaallutik.

Sulisut ataasiakkaat oqaatsitigut kulturikkullu piginnaasassaannut anguniakkat aalajangersarneqasapput taamaaliornikkut sulisoq sulianik ingerlataani tapersersorneqarsinnaaqqullugu.

Kalaallit kulturiannik, oqaluttuarisaanerannik inuiaqatigiinnillu pissutsinik ilinniartitsineq

Kalaallit kulturiannik, oqaluttuarisaanerannik inuiaqatigiinnilu pissutsinik ilinniartitsineq eqqarsaatigalugu immikkut anguniagaavoq suleqatissanik avataaneersunik atorfinitsitsinerni pisariaqartinneqasappat kalaallit kulturiannik, oqaluttuarisaanerannik inuiaqatigiinnilu pissutsinik ilinniartitsisarnissaq. Atorfinitsitsinermut atatilugu kommunip sulisoqarnermut immikkoortortaanit tamanna neqeroorutigineqartassaaq.

“Inuiaqatigiinni kalaallini pissutsinik ilinniartitsineq” paasineqassaaq inuiaqatigiinni qanga pissutsinik ullumikkullu pissutsinik nutaaliasunik ilinniartitsineq taamaalilluni sulilersup Kalaallit Nunaanni tunngaviumik pissusiusut paasisaqarfigissammagit, ilaatigut:

- Inuiaqatigiinni ilusilersugaaneq – inuiaqatigiit ilusilersornerat ingerlarngallu
- Kommunip ilusilersugaanera – pisoqaaq nutaarlu
- Innuttaasunik, inuutissarsiuutinik suliffeqarfinnillu taakku ineriartorneri ilanngullugit oqaluttuarinnineq.

Avammut attaveqaqatigiinneq (innuttaasunit innuttaasunullu saaffiginnissutit)

Pisortat ingerlatsineranni suliassat suliarineqartarnerat pillugu inatsit naapertorlugu suliamik ingerlanneqartumut peqataasoq isummaminik ersersitsinnaavoq, kissaatigigini kalaallit imaluunniit danskit oqaasii atorlugit sullinneqarumalluni.

Saaffiginnissutit nalinginnaasut, saaffiginnissutilluunniit innuttaasunut arlalinnut sammisut, tamatumunnga ilaatinneqarlutik tusagassiorfinnut nalunaarutit innuttaasunullu paasissutissiissutit, kalaallisut danskisullu allanneqartassapput.

Allakkiat innuttaasunut sammisunik ilallit nalinginnaasumik kalaallisut danskisullu allanneqarsimassapput saqqummiunneqannginnerminni.

- Innuttaasut kalaallisut allakkatigut oqaluinnarlutilluunniit saaffiginnittut kalaallisut sullinneqartassapput.
- Innuttaasut danskisut allakkatigut oqaluinnarlutilluunniit saaffiginnittut danskisut sullinneqartassapput.

Taakkua saniatigut:


- Innuttaasut nunat avannarliit oqaasii atorlugit allakkatigut oqaluinnarlutilluunniit saaffiginnittut periarfissaqartillugu namminneq oqaatsitik atorlugit sullinneqartassapput.
- Innuttaasut nunani assigiinngitsuni oqaatsit atorlugit allakkatigut oqaluinnarlutilluunniit saaffiginnittut periarfissaqartillugu namminneq oqaatsitik atorlugit sullinneqartassapput.

Inoqatinut attaveqaatit pillugit maleruagassat


Inoqatinut attaveqaatini oqallinnerup torersuunissaa qularnaarumallugu attaveqaqatigiinnermi malit-tarisassat makku malinneqassapput:

- Qeqqata Kommunia attaveqartarpoq oqaatsit inussiarnisaartut akuersaartullu atorlugit
- Qeqqata Kommunia aallaaviatigut nalunaaruteqartassaaq kalaallisut qallunaatullu. Oqaatsit allat ator-neqarsinnaapput suliap tamanna pisariaqartippagu, kiisalu
- Saaffiginnissutit tamarmik akineqartassapput minnerpaamik oqaatsit allannermi ator-neqartut atorlugit.

Kommunalbestyrelsip 2017-imi februaarip 23-ani akuersissutigaa.



Hermann Berthelsen
Borgmesteri



Sulisoaqarnermut politikki ataavartumik nutarter-
tuuvoq, suliffeqarfiup naleqartitaanut, maleruaq-
qusanut sulisullu pisariaqartitaannut naleqqussar-
tartussangorlugu. Ataavartumik suliffigissaaneq,
atugarissaarnermut, ineriartornermut suleqatigiin-
nermullu ikorfartuisut.

Januari 2025

Assit:
Qeqqata Kommunia & Destination Arctic Circle